

# MUFAMBISI

 Hosi a yi ku katekisi, Makwerhu Neville.

I ntsako lowukulu ku tlhela ndzi vuya ekerekeni madyambu lawa. Ntsena tani hi xihancana lexi ntsongo. A ku ri muxaka wa Hungu ro leha emixweni lowu, kutani ndzi tsakile hikokwalaho a Ri ri lahawani, hambi swiri tano. Kutani ndzi tiphinile ha Rona hi vumina, ku Ri tisa, kutani ndza tshembha mi ti phinile hi ku Ri yingisela. [Nhlengeletano yi ku “Amen.”—Muhleri.]

<sup>2</sup> Mi nga rivali phela, minkarhi hinkwayo tsundzukani leswi, leswaku leswi i swilo leswi swi akaka mutirheli wa Kreste. Wa bona, ripfumelo xo sungula, ku landzelela vunene. Kutani sweswi tsundzukani, Moya wo Kwetsima wu ngaka wu nga ambarisi muako wa Xikwembu ku fikela laha swilo leswi swi tirhaka hi Moya. A swi na mhaka leswaku u endla yini, wa bona. Leswi hi swin’wana leswi swi akaka Miri wa Kreste, wa bona, swilo leswi. Sweswi, mi nga swi rivali sweswo, leswaku leswi *lahawani* i swo sungula, i ripfumelo ra n’wina. Vunene, vutivi, nikuya emahlweni, swi ta engeteriwa eka swona, ku fikela laha xifaniso xa Kreste lexi hetisekeke xi kombisiwa, kutani Moya wo Kwetsima wu enhlela eka xona kutani wu xi lemela tani hi Miri wun’we. Swilo leswi swi fanele swi va tano. Swingaleswi, Yesu u teri, “Vativiwile hi mihandzu ya bona.” Wa bona, mihandzu! Mi ngaka mi nga tswali mihandzu ku ngari ni swilo leswi nga ta ntswala eka n’wina. Kutani hinkwaswo leswi loko swi teka ndhawu ya misava ni—ni ku va swi ngari na vukwembu, nikuya emahlweni, swingaleswi hikwako ku ka ku nga pfumeri ku cukumeteriwela ehandle, kutani swilo hinkwaswo swa misava swi hundza, swingaleswi a kuna nchumu kambe xivumbiwa lexintshwa eka Kreste. Kutani va-Efesa 4:30 yi ri, “Mi nga khomisi Moya wo Kwetsima wa Xikwembu etingana, lowu mi nga lemeriwa wona ku ya fika siku ra ku kutsuriwa ka n’wina.” Wu lemeriwa ku ya fika eMfun’weni wa Xikwembu! Sweswi, mi nga swi rivali sweswo. Swi hlayiseni emiehlekeweni sweswo, tekani swilo *leswi* ku sungula. Swingaleswi ku lemela i ka Moya wo Kwetsima, ku Ambexa loku ku lemeriwaka eMirini. Swi kahle sweswo.

<sup>3</sup> Hi na xi-xi xikombelo sweswi xa Sesi Little, wale Chicago, nuna wa yena u kumekile eka khombo ra movha kutani ntsena u pavalarile eka xiyimo xa rifu, Sesi Little. Kutani Edith Wright, sesi wa hina lontsongo loyi hi n’wi tiveke nkarhi wo leha, a nga, a nga pfukanga, emadyambyini lawa ekaya ra yena, kutani va lavile leswaku swi tivisiwa ekereke

leswaku hi nkwerhu ka hina hi ta n'wi khongeleta kun'we eka xikombelo lexi. Kutani sweswi a hi korhamiseni tinhloko ta hina xinkadyana.

<sup>4</sup> Tatana wa hina wo saseka, wale Tilweni, hi hlengeletanile ku rhendzeleka (hi ripfumelo) Xiluvelo xa Xikwembu, kutani hi kombela tintswalo ta Vukwembu eka swikombelo leswi. Makwerhu Little, khombo ra movha, ekusuhi ni rifu. Xikwembu, n'wi pfuni. Moya wo Kwetsima wu nga hava etlhelo ka yena laha a nga etlela kona wu n'wi vuyisela eka hina, Hosi. Na Edith Wright lontsongo ehansi lahaya, ndza khongela, Xikwembu, leswaku Moya wo Kwetsima wu tava etlhelo ka mubedwa wa yena madyambu lawa kutani wu ta tlherisela rihanyo eka yena nakambe. Hi nyike swona, Tatana. U hi tssembhisile swona swilo leswi, kutani ha swi pfumela. Kutani tani hi laha a hi ri eku ehleketeni mixo lowu, mpfuka walowo a wu vuli nchumu eka Wena, U ntsena tani hi xiphemu xin'we lexikulu xa misava tani hi laha U nga xin'wana, hikuva hi Wena la nga kona, wa matimba hinkawo ni langa riki na makumu. Kutani ha khongela, Tatana, leswaku U ta hi nyika swikombelo leswi hi Vito ra Yesu Kreste. Amen.

<sup>5</sup> Hi tsake ngopfu kuva endzeni nakambe emadyambyini lawa, nakambe...Kutani ndza switiva ka hisa. Leti iti nhlengeletano ti nharhu leti nga lulama, kutani ti...Ndza switiva van'wana va n'wina mina vunyngi tani hi ntlhanu wa madzana ya timayili leti mi nga ta chayela mixo lowu. Kusungula mundzuku, ndzi na khume mune wa madzana ku chayela endzhaku ka tonu. Swingaleswi, swingaleswi ndza—ndza tssembha leswaku i nkarhi wa kahle eka hinkwerhu ka n'wina. Nakona i nkarhi wa kahle eka mina ku endzela na n'wina hinkwerhu. Ku na chumu wun'we ntsena lowu hi wu kombeleke, vo tala va fanele ku tlherisiwa hikokwalaho ka ku pfumaleka ka ndhawu, hi ngaka hi nga manyani ngopfu exikarhi ka muako, ndzawulo ya ndzilo yi ngaka yi nga swi yimeli sweswo. Swingaleswi hile ku ringetenku kuma kereke leyikulu nyana, kutani loko hi tava hi ri endzeni, kutani hi nga ha va ni ndhawu yo tshama kona ya vanhu.

<sup>6</sup> Kutani sweswi, nkarhi wun'wana ni wun'wana, minkarhi hinkwayo ma amukeriwa lahwani etabernakeleni, laha hi pfumalaka dyondzo yo hambuka kambe Kreste ntsena, ku hava nawu kambe rirhandzu ntsena, akuna buku kambe ku na Bibele ntsena. Kutani swingaleswi...Kutani mufundhis wa hina i Makwerhu Orman Neville lahwani. Kutani hi na nhlengeletano lahwani ya—ya vanhu vo tala lava va nga hlengeletana tani hi tabernakele ya tikereke hinkwato ta mavito, laha mi taka lahwani ku ta gandzela Xikwembu ku ya hi ku lerisa ka ripfalo ra n'wina. Minkarhi hinkwayo ha tsaka ku va na n'wina. Kutani tanani loko mi swi kota, minkarhi hinkwayo hi tshama hi tsakile ku mi amukela.

<sup>7</sup> Kutani sweswi nkarhi lowu wu taka, tani hi laha ndzi switivisaka xiswona, ku va na n'wina, swi tava loko kereke yi humile. Kutani ndzi lava ntsena, endzhaku ka *Tinguva ta Tikereke*, hi lava kuya eka *Swilemo* swa vunkombo swo hetelela, kutani Swilemo swa nkombo swo hetelela eka Buku ya Nhlavutelo, ku Swi dyondzisa.

<sup>8</sup> Kutani ku na minkarhi yo tala ya lava va vabyaka ni lava va taka lava va karhatekaka, kutani eka tinhlengeletano leti, laha swivono swi lavekaka, kutani kuta minkonaniso leyi kongomeke. Loko ndzi nghena eka sweswo, kutani ndzi—ndzi ntsena a ndzi nge kumi ku hambana exikarhi ka vona, kutani, ee, swa ndzi tikela ku vulavula hi swona. Kutani un'wana ni un'wana wa swi tiva leswaku eka mpfhumba ra hina ro hanyisa, kutani Nkul. Baxter kumbe un'wana loyi a tololeleke ku chumayela, kutani ndzi ta ndzi ta khongeleta vavabyi, hikuva kova ntsena swa matimba. Kutani a ndzi ri eku khongeleteni ka vanhu xinkadyana lexi xi hundzeke, kutani ndzi hlanganile ni xihlangi lexintsongo lahawani laha dokodela...swin'wana eka nhlana wa xona, u tswarewi hi ndlela yin'wana. Loko ndzi humela ehandle, ndzi xi vonile xi tshamile lahaya eka ximpfukani. N'wana ya loye a nga fanelanga ku va ari xilema hi ndlela ya leyo, u ya va kahle. Hakunene, swi tano, wa vona. Sweswo i, ndza swi tiva sweswo. Wa vona, ndzi yima na sweswo. Kutani hi lava ku va ni ripfumelo ra hina ni ku pfumela eka Xikwembu.

<sup>9</sup> Un'wana ni un'wana wa n'wina, ni vunyingi bya n'wina a hi tivani, hinkwerhu va ministara ni kuya emahlweni. Loko ndzi nga hoxisi, loyi i Makwerhu Crase. A hi swona? Makwerhu Crase, ndzi—ndzi ku kolota ku va ndzi ti sola, ku va ndzi nga yimanga lahaya eka ku nyikela kwaloko. Kumbexani ndzi ta yima lahaya eka nhlengeletano ya mahele ya vhiki, ntsena va na kahle. A hi swona? Walowo wu tava eBloomington. U pfukile xana? Swi kahle. Van'wana va vamakwerhu lahawani i va vuli va rito, ndzi fanele. Xana i mu ministara xana? Ina, nkulukumba. Hosi a yi ku katekisi. Kutani ku na va vuli va rito va ngani lahawani emuakwini, a hi voneni mavoko. Kunene, sweswo ntsena swikahle. Hi tsakile ku va na n'wina lahawani, ntsena hi tsake ngopfu. Xikwembu a xi tshame xi mi katekisa!

<sup>10</sup> Sweswi, sweswo swi nga endla leswaku hi hatla hi huma ka hari na nkarhi, van'wana va vona vaya eGeorgia, Tennessee, New York, hinkwako, kusuka emadyambyini lawa, ku sungula emadyambyini lawa. Sweswi, chayelani hi vukheta epatwini. Loko mi kumeka mi etlela, kutani mi nga swi lavi kuya emotela, kutani pakani etlhelo ka patu kutani mi etlela kufikela laha...Yaleyo hi yona ndlela leyi ndzi yi endlisaka xiswona. Wa vona, ntsena yimani etlhelo mi etlela. Mi nga, mi nga chayeli loko mi khuzechela. Swibihile. Kutani, tsundzukani, a hi n'wina, i nakulorhi un'wana mi fanelaka ku n'wi vona. Wa

vona? Mi tiva laha mi yaka kona, a mi ku tivi laha a yaka kona, swingaleswi—swingaleswi mi fanele mi languta munhu ya loye. Swingaleswi, miva ni ntiyiso leswaku ma xalamuka nkarhi hinkwawo, ku yi vona.

<sup>11</sup> Sweswi, ndzi tsakela ku hlaya xiphemu xa Matsalwa lexi xi kumekaka eka Buku ya Mukwetsimi Yohana. Sweswi, Matsalwa lawa lamantsongo lawa hi ma hlayeke ni ku kongomisa eka wona, ma ta hi nyika masungulo eka leswi hi ringetaka ku swi vula. Kutani minkarhi hinkwayo, a ndzi se tshama ndzi, loko ndzi tshame ndzi swi tsundzuka, hi kuta eka phulphiti, ntsena ku ta ringeta ku vula swin'wana leswi ndzi nga swivulaka. Minkarhi hi nkwayo ndzi ringeta ku yima, ndzi languta, ndzi hlaya, ndzi khongela, ku fikela laha ndzi swi twaka leswaku ndzi na swin'wana leswi nga ta pfuna vanhu. Loko ndzi nga swi koti ku pfuna, kutani a swi bohi ku va ndzi yima lahawani, wa vona. I, ku ringeta ku pfuna! Kutani sweswi emadyabyini lawa, xivangelo, xiphemu lexikulu xa ntlawa wa hina xi humile mixo lowu, kutani va fanele kuya ekaya, hi vunyingi bya vona. Kambe, emadyambyini lawa, ndzi mi byerile leswaku loko mi tshama hi ta ringeta ntsena kuva ni timinetse ta makume mune-ntlhanu ndzi vulavula hi swin'wana laha ndzi tshembhaka leswaku swi ta hi pfuna. Kutani sweswi hi ta swi kongomisa eka Mukwetsimi Yohana, papila ra vu16, kutani a hi sunguleni hi kwalomu ka—ka vhese ya vu7 ya papila ra vu16, kutani hi yi hlaya ku ya fika eka—eka vhese ya vu15.

*Hambi swiri tano Ndza mi byela leswi tiyeke ndzi ri; Swisasekile eka n'wina loko Ndzi famba: hikuva loko Ndzi nga fambi, Muchaveleri a ngaka a nga ti eka n'wina; kambe loko Ndzi famba, Ndzi ta n'wi rhuma eka n'wina.*

*Kutani loko yena ata, u ta khorwisa misava leswaku ku dyoha ku kona, ni ku lulama, ni ku avanyisa.*

*Ku dyoha ku kona, hikuva ava pfumeli eka mina;*

*Ku pfumela ku kona, hikuva Ndzi ya eka Tatana, kutani a minge tshami mi ndzi vona;*

*Ku avanyisa ku kona, hikuva hosi ya misava leyi yi avanyisiwile.*

*Ndza hari ni timhaka leto tala ndzi nga mi byelaka tona, kambe loko kuri sweswi ti nga mi tikela.*

*Kambe kutani loko yaloye, wu nga Moya wa ntiyiso, a ta, wu ta mi fambisa mintiyisweni hinkwayo: hikuva wu ngaka wu nga vulavuli wu tisungulela swa wona; kambe hinkwaswo leswi wu swi tweke, wu ta swivula: na swona wu ta mi tivisa leswi nga tata.*

*Wona, wu ta ndzi dzunisa: hikuva wu ta teka leswi swi nga swa mina, wu mi tivisa swona.*

*Hinkwaswo leswi Tatana a—nga na swona i swa mina: hikwalaho Ndzi nge, wu ta teka leswi nga swa mina, wu mi tivisa swona.*

<sup>12</sup> Sweswi eka vhese leyi ya vu13. “Kambe kutaku yaloyi a ta wu nga Moya wa Ntiyiso, Wu ta mi fambisa eMintiyisweni hinkwayo. Loko Moya wa Ntiyiso wu ta, Wu ta mi fambisa eMintiyisweni hinkwayo.” Xana Ntiyiso i yini? Rito. “Hikuva Wu ta vulavula, Wu ngaka wu nga vulavuli wu tisungulela swa Wona; kambe leswi Wu swi twaka, Wu ta swi vula. Leswi Wu swi twaka, Wu ta swi vula.” Hi marito man’wana, hi Un’wana loyi a nga ta paluxa xa nchumu, ma swi vona. Kutani papila ra vu4 ra va-Heveru, Bibele yi vula leswaku “Rito ra Xikwembu ra kariha, ku tlula tlhari leri nga ni vukarhi hi matlhelo mambirhi, leri—leri a Vanyisaka mianakanyo ni makungu ya miehleketo, ya mbilu.” Wa vona, “Leswi Wu swi twaka, Wu ta swi vula, kutani Wu ta mi tivisa swilo leswi nga tata.” Wa vona? Xana i mani a yaka eku swi endleni sweswo? Moya lowo Kwetsima Lowu nga tata hi Vito ra Hosi Yesu.

<sup>13</sup> Kutani ndzi tsakela ku teka leswi eka timinetse tintsongo leti ti taka ku mi endla mi yingisela ehenhleni ka rito “mufambisi,” *Mufambisi*. Maswitia, ndzi vile ni ntokoto wun’wana wa kahle enhoveni. Mufambisi, un’wana loyi a nga mikombaka hinkwako. U fanele u va na mufambisi loko u nga ku tivi laha u yaka kona. Kutani kuva u fambelana ni ku hlota, ni misava hinkwayo, ndzi vile ni—ni nkateko wo hlangana na vafambisi. Kutani ndzi mufambisi, hi vumina, eColorado, hiku tiva tiko, hi ku hlota, nikuya emahlweni, ndzi nga ha fambissa eColorado.

<sup>14</sup> Sweswi, mufambisi u fanele a tiva ndlela. U fanele a tiva laha a yaka kona ni leswi a swi endlaka, ni leswi a nga ta mi hlayisisa xiswona endleleni. Wa vona? U fanele a swi vona leswaku a mi lahleki. Mufambisi i munhu loyi a hlawuriweke. Mfumo wu hlawula munhu loyi loko ari mufambisi. Kutani, sweswi, kuya eka rendzo emananga, laha nkarhi wun’wana a wu tolovelanga ku famba kona, a swi kahle eka wena ku famba u ri hava ni un’we. Hakunene, ti ndhawu tin’wana a wu nge tifambi hambi kuri ku tifamba loko u ri hava ni un’we, xikombiso, eCanada. Mu—mu mufambisi u fanelu ku sayina layisense eka ntanga wa swi harhi. U fanele a ti sayinela yena hi yexe ku nghena, nakona u na vutihlamuleri ha wena. Loko ku nga humeleta swin’wana ha wena, i vutihlamuleri bya yena. U fanele a ku hlayisa. U fanele a swi vona leswaku a wu lahleki. U fanele ava ni ntiyiso leswaku a nga ku rhumi kun’wana laha u nga taka u nga ma tivi mavuyelo. Kutani loko wo tshuka u lahlekile, u fanele a tiva tiko leswaku a ta kota ku ku teka nkarhi wun’wana ni wun’wana. U fanele a tiva swilo leswi hinkwaswo kumbe a ngavi mufambisi, a ngaka a nga nyikiwi layisense ya kuva mufambisi.

<sup>15</sup> Swilo leswi, nkarhi wun'wana u fanele kuva ni ku lerisela, u foyina u endla vulunghiselo, u kuma ku hlayiseriwa ka leswi swi nga ta ku humesa. Kutani loko u...Nkarhi wun'wana u xurhile kutani a nga swi koti ku ku teka, u fanele a swi veka nyana etlhelo, eka—eka swa vufambisi bya misava. A wu fanelanga ku endla sweswo ni Vufambisi bya Xikwembu, minkarhi hinkwayo Xi tshama xi tilulamiserile, minkarhi hinkwayo ku tilulamisela.

<sup>16</sup> Sweswi, loko u nga endli vutilulamiseri lebyi, kutani u ri eku vumbeni ka ku vulavula hi rendzo ku ya emananga laha u nga se tshamaka u ya kona, u ta hetelela hi ku lahlekla, ni ku lova. U na kwalomu ka phesente yin'we ya chansi ya ku kumeka u huma emananga, sweswo hi swona, loko wu ngari ngopfu ekusuhi, u nga hava ni phesente yin'we ya ku tihumesela ehandle wena n'wini. Kambe loko ku ri mananga lowu wu nga biha ngopfu, ku tlhelela endzhaku, a wu na chansi ya ku huma u ya ehandle. Ku hava ndlela leyi u nga swi endlaka, hikokwalaho u ta kumeka u ri laha ku fambaka rifu, swingaleswi u—u fambile kutani u herile. Sweswi, kutani u ta lova loko u nga ri ni la kufambisaka loyi a tivaka tiko ni ku tiva ku tlhelela endzhaku.

<sup>17</sup> Vunyingi bya n'wina mifambelana swinene ni atikili leyi mi yi hilayeke haxawa eTucson, Arizona, Majaha lawa ya Tinhlorhi. Hambi swiri tano, a va leteriwile ku tiva leswaku va nga tihayisisa ku yini, a vari tinhlorhi. Nakona ntsena a va nga ri Tinhlorhi leti Ntsongo, a vari tinhlorhi leti hetisekeke. Kutani va tekile rendzo ro ya ehenhla etintshaveni, kutani bubutsa leri ri nga na gamboko ri fika, ntumbuluko wu cinca matshamelo ya wona. Kutani loko va tava va kumekile va lahlekile vona n'wini hi loko va lovisiwa, swi hikokwalaho ka leswi va...swin'wana, ku cinca ku ta xi kan'we ku huma eka nhlaselo wa ntoloveloo, a va swi tivanga leswaku va nga huma njhani. Wa vona? Kutani ndzi rivarile leswaku a va ri vafana va ngani lahaya va nga lovisiwa etshaveni, hambi leswi a vari na tihelikopta, kutani Vuthu ri humile, ni Varindzi va Mfumo, ni lava va nga tinyikela ku pfuna, ni swin'wana ni swin'wana. Kambe va lahlekile, ku hava loyi a ku tivaka laha va nga kona. Kutani a va nga ta swi kota vona hi voxé ku tihayisa. Hinkwavo ka vona va lovisiwile eka gamboko hikokwalaho ka kuva va nga swi tivi leswaku a va ya evuhuma-dyambu, n'walungu, vupela-dyambu kumbe edzongeni, ehenhla kumbe ehansi, kumbe leswi a swi ri xiswona, swin'wana ni swina'wana a swi languteka swi fana.

<sup>18</sup> Sweswi, mufambisi u tiva laha a nga kona, a nga ri na mhaka ni maxelo. U-u hlomile ku endla sweswo. U tiva leswi a swi endlaka. U le kusushi swinene ni swin'wana ni swin'wana. U tiva malangutelo ya swin'wana ni swin'wana, swingaleswi ntsena a nga hava emunyameni kutani a nga ha twa nchumu wun'wana.

<sup>19</sup> Xikombiso, hi loyi wa mano wa khale eku fambisa. Maswitiva, loko u nga vona tnyeleti, un'wana ni un'wana a nga ha vula leswaku i ndlela yih Leyi u yaka eka yona loko u languta tnyeleti. Kutani minkarhi hinkwayo u lava ku vona nyeleti yin'we ya ntayiso. Ku na nyeleti yin'we ntsena ya ntayiso, kutani yaleyo i nyeleti ya Gongomela. Wa vona, yin'we ntsena, yi yima endhawini yin'we. Ya leyo yi yimela Kreste, la nga tolo, namuntha, ni hi laha ku nga heriki. Tin'wana ti nga ha fambela ekule, kambe U tshamisa xisweswo. Tikereke ti nga ha kususa ti ku yisa eka ndlela *leyi*, kumbe ti mi yisa eka ndlela *yaleyo*; kambe ku ngari Yena, minkarhi hinkwayo Wa fana.

<sup>20</sup> Kunene, sweswi, loko u nga yi voni nyeleti leyi ya Gongomela, kuri ni mapapa, swingaleswi loko wo swixiyisisa, loko kuri nhlikani nakona u lahlekile, loko u nga languta mirhi. Murhi nkarhi hi nkawo, kuna ximilani xa moss lexi xi kumekaka etlhelo ra n'walungu ra murhi, hikuva hi tlhelo ra dzonga ra murhi dyambu riba ku tlula tlhelo ra le n'walungwini. Kambe ku nga humeleta yini loko kuri na xinyami nakona u nga swikoti ku vona ximilana xa moss? Loko u nga pfala mahlo ya wena kutani u nga ringeti ku endla ku ehleketa kun'wana, pfala mahlo ya wena kutani u kuma phantsu leri nga gogonyeku ra murhi, u vekela mavoko ya wena ku jika hi murhi tani hi leswi ku fikela laha tintiho ta wena ti hlanganaka, kutani u sungula ku jika hi murhi wolowo hiku nonoka. Kutani loko u fika endhawini laha riphatsu ri nga tsindziyela swinene, u ri phatlula, kwalaho i tlhelo ra n'walungu (mimoya), kutani u nga ha vula leswaku i tlhelo rihi u nga kongomana na rona, en'walungwini kumbe edzongeni. Kutani hi ndlela yaleyo, oho, kuna swilo swo tala, kambe swi teka vufambisi ku tiva leswi swilo swi nga endlisa xiswona swilo leswi. Ntsena munhu wa ntolovelwa yima lahaya aku, "A ndzi twi ku hambana eka wona." Wa vona? Wa vona, u fanele u leteriwa ku va mufambisi ya loye.

<sup>21</sup> Kutani vafana lava, akuna ku kanakana kambe avari tinhlori ta kahle, va nga ha kota ku boha mafundzu, va nga ha kota ku endla mindzilo hi maribye, nikuya emahlweni tani hi sweswo. Kambe ku tiva ndlela ya wena yo huma, yaleyo i miehleketo! Ava, a va yi tivi ndlela ya vona yo huma, swingaleswi hinkwavo ka vona va lovisiwile hikokwalaho ava kalanga va teka vufambisi eka vona.

<sup>22</sup> Kutani tatana loyi a nga ehleketa, malembe mambirhi lawa ya hundzeke, eColorado, oho, a ya ehenhla ka tintshava, ari na xifanyetana xa kwalomu ka ntsevu, nkombo wa malembe hi vukhale. A ya eku n'wi yiseni eka ku hlota ka yena ro sungula ka ndakazi. Swingaleswi va yile ehenhla entshaveni, kutani xifanyetana xi ku eka papa wa xona, "Ndzi karhele."

<sup>23</sup> "U nge ndzi ku bebula. A hi siva ehenhla henhla ngopfu, tindakazi tile henhla." Emahlweni nile mahlweni nile mahlweni

wanuna ari karhi aya ku fikela laha a kumaka... A nga swi tivi, ari wanuna wa doroba. A nga tivi nchumu hi ku hlota kumbe laha a nga yaka kona. Munhu un'wana ni un'wana loyi a tivaka swin'wana hi managa wa swi tiva leswaku ndakazi a yi tshami ehenhla. A ti gonyi tiya ehenhla lahaya. Timbuti ti tshama kwalahaya ehenhla, ku ngari ndakazi. Tile hansi laha ti nga dyaka kona, ti fanele ti kuma laha ti nga ta kuma swo dya kona. Kutani, swingaleswi, kambe wanuna loyi a ehleketa, "Loko ndzi nga kuma ndlela ehenhla ematambeni kun'wana kwalahaya, ndzi ta kuma mhalamhala leyikulu." U vonile xifaniso lexi yi yimeke ehenhleni ka—yi yimeke ehenhleni ka ribye, hi loko a ehleketa leswaku kwalaho hi laha a nga ta yi kuma kona. Mi nga kali mi yingisela eka timagazini ta vona leti ti hlayiwaka, mina, oho, mina, ti ta milorhis! Sweswo, kuna nchumu wun'we ku wu endla, i ku teka mufambisi laha u tivaka laha a nga kona.

<sup>24</sup> Kutani tatana ya loye, hiloko xikan'we kan'we kuta mpfula hinkwako, yin'wana ya timpfula ta xihatla leyi a yi ta. Kutani wanuna a hlota ri kondza ripela, kufikela laha ku vaka ni xinyami a nga ha yi voni ndlela. Kutani...hi loko moyo wu ta wu huma hile tintshaveni, hi loko a hatlisa, kutani sweswo...

<sup>25</sup> U fanele u swi tiva leswaku u nga pona njhani, loko u khomekile. Kuna nchumu wun'wana, switivi leswaku u nga ponisa ku yini! Ndzi khandziyile ehenhla ka mirhi ndzi voyama na yona, niku thulela eka mirhi ndzi rhetela ehansi, ehenhla nale hansi tani hi sweswo, ku hlayisa vutomi. Ndzi tekile gamboko loko yi ri eka magoza ya mune eka tlhelio rin'wana, ndzi tshova xikundzu ndzi xi vekela ehansi. Kutani ni ndlala ya leswaku a ndzi nge koto ku xiyimisa hi ku tika! Kutani ndzi tshovelela swikundzu ndzi swi veka ehansi, ndzi swi tshivela swi tshwa ndzi n'okisa gamboko yi enhlela ehansi. Kutani kwalomu ka awara ya n'we ehenhla ka nhloko ni mixo, awara ya mbirhi, ndzi kokela swikundzu endzhaku, kutani ndzi badama eka misava yaleyo yo kufumela, ku hlayisa vutomi. Kutani u fanele u tiva ku endla swilo leswi.

<sup>26</sup> Kutani wanuna loyi a nga switivi leswi a swi endla, a nga ri na yena loyi a n'wi kombisa. Kutani u titlakulerile xijahetana xa yena a xivekela exifuveni xa yena kufikela laha a n'wi twaka a titimela a fa. Ku pfumala miehleketo! Loko ntsena a lo teka mufambisi a famba na yena, a ta va a n'wi yisile ehansi ka ntshava swi nga ri na mhaka leswaku a kuri nkarhi muni, wa vona. Kambe u hlwerile ku fikela laha ku vaka ni xinyami, ku kondza a nga ha yi voni ndlela.

<sup>27</sup> Rero hi rona khombo leri nga na Vakreste namuntlha. Va hlwela ku fikela laha vunyama byi pfalaka, swingaleswi u ta kuma leswaku u fambe u ngari ni Mufambisi. Mufambisi!

<sup>28</sup> Hikokwalaho ka yini, mi tshama mi vona munhu loyi a nga lahleka? Xana kuna loyi a nga tshama a va ni ntokoto wa ku vuyisa munhu loyi a lahlekeke? I nchumu wo terisa vusiwana ngopfu lowu u nga se tshamaka u wu vona. Loko munhu a lahlekile, u ya enhoveni. A nga switivi leswi a swi endlaka. Hi kumile wanuna kwalahaya, mufana, kutani a lahlekile ekhwatini, kutani a ehleketa leswaku... A ehleketa leswaku hi yena rhenjası, kambe ari eka tiko leri hoxekeke kutani u kumekile a lahlekile, a rhendzeleka. Kambe loko va tava va n'wi kumile endzhaku ka masiku manharhu, a tsutsuma tani hi munhu wa nhova, a huwelela hi rito leri tlakukeke. Milomo ya yena ayi lumeteriwile, kutani a cukumeta xibalesa xa yena a nga swi tivi leswaku a nga endla yini. Kutani loko makwerhu loyi a nga wa yena wa xinuna, loko... A fanele ku n'wi khoma va n'wi boha. Loko makwerhu loyi a nga wa yena ata ka yena, a lwa na yena tani hi xiharhi, a ringeta ku n'wi luma, a nga kalanga a ku tiva laha a ri kona. Hikokwalaho ka yini? A lahlekile. Kutani loko munhu a lahlekile, u le ka xiyimo xa vuvarhi. Kutani a nga switivi leswaku u le ka xiyimo xexo, hikuva ku lahleka ka yena ku n'wi khomise dari leri ehenhleni ka yena, kutani a nga switivi leswaku u le kwihi ni leswi a swi endlaka.

<sup>29</sup> Swingaleswi switano loko munhu a lahlekile eka Xikwembu! U ta endla swilo leswi hi ntolovel a nga fanelangiki ku swi endla. U ta endla swilo leswi—leswi swi nga endzhaku ka mianakanyo ya yumunhu kuva ayi endla. Munhu loyi a lahlekeke eka Xikwembu, kereke leyı lahlekeke ku suka ka Xikwembu, kereke leyı yi fambeleke ekule na Xikwembu, yi fambela ekule kusuka eka minsinya ya Bibele ya Xikwembu, yi endla swilo leswi nkarhi wun'wana awu nga swiehleketi leswaku u nga swi kuma ekerekeni ya Xikwembu lexi xi hanyaka. Va kuma timali hi tigeyimi ta vona ta bankho, va beja ti lotho, va bindzurisa, swin'wana ni swin'wana leswi va nga swi endlaka. Va nga ha dyondzisa swin'wana ni swin'wana, va pfumeleta swin'wana ni swin'wana ku va ekusuhi, va bambetela munhu emakatleni loyi a nga muhakeri lonkulu ekerekeni, nikuya emahlweni tani hi sweswo, ku va pfumeleta leswaku va va ekusuhi na yona. Hiswona sweswo. Ku vekiwa madiyakoni eka bodo lava va nga teka ku ringana ka mune kumbe ka ntlhanu, leswaku ntsena va endlela leswaku va va ekusuhi na yona, ku endla makumu yo hlangana. Kuna makun'we man'we lawa u fanelaka ku hlangana na wona, walowo i, ku tiboha ka wena eka Xikwembu. Yima u vula Ntiyiso! Ku lahleka, munhu loyi a nga lahleka u le ka xiyimo xa vuvarhi, i munhu la pengaka.

<sup>30</sup> Mufambisi una ku twisia, leswi a nga fambisaka xiswona ni leswi a nga swi endlaka. Xikwembu endzeni... Xikwembu minkarhi hinkwayo xi rhumela mufambisi eka vanhu lava

va nga va Xona. Xikwembu a xi se tshama xi tsandzeka. Xi rhumela mufambisi, kambe u fanele ku amukela mufambisi ya loye. Wa vona? U fanele ku swi pfumela. U fanele u famba hi ndlela leyi a yi vulaka. Loko u nghena emananga, kutani mufambisi wa wena aku “hi famba hi ndlela *leyi*,” kutani wena u ehleketa ku famba hi ndlela *liyani*, u ta hetelela hiku lahleka. Swingaleswi loko u... Xikwembu xi hi rhumela mufambisi ku hi letela, hi fanele ku landzelela mufambisi ya loye. A swi na mhaka leswaku hi ehleketa yini, leswi swi langutekaka swi twala ni leswi swi langutekaka swi hlekisa, a hi na leswi swi hi fumaka ku swi avanyisa sweswo, mufambisi hi yena a ri yexe.

<sup>31</sup> Xikwembu, eka Testamente ya Khale, xi rhumerile vaprofeta. A vari va fambisi, hikuva Rito ra Hosi ri ta hi vaprofeta. A va ri valeteri. Va lerisile vanhu tani hi laha hi swi tweke madyambu lawa ya hundzeke, eka Esaya na Ozias. Va lerisiwile, kutani va lerisile vanhu va tlhela va vafambisa. Kutani sweswi Xikwembu minkarhi hinkwayo Xi rhumela vafambisi va Xona, minkarhi hinwayo a xi ngevi tano loko xi ngari na mufambisi, eka tinguva hinkwato. Xikwembu minkarhi hinkwayo Xi na loyi axi yimelaka eka misava leyi, eka tinguva hinkwato.

<sup>32</sup> Sweswi, nkarhi wun’wana va susa mufambisi, “a suka eka ku vonakala,” tani hi laha hi swivitanisaka xiswona. Loko Yesu a ha ri lahawani emisaveni, a mi swi tsundzuki leswi Yesu a swi vuleke eka Vafarisi, “N’wina varhangeri va mabofu”? Varhangeri va mabofu, mimabofu eka swilo swa ximoya. Wa vona? Sweswi, va fanele kuva vafambisi, vafambisi eka vanhu, ku rhangela vanhu kuya eku ponisiweni. Kambe Yesu u teri, “Mi mabofu!” Kutani A ku, “Va tshikeni vari voxé, kutani loko bofu ri rhangela bofu, xana hinkwavo va ngaka va nga weli egojini ke?” Vafambisi va mabofu! Oho, leswi misava yi nga nyamisiwa xiswona ha sweswo, hi ku fambisiwa ka mabofu. A nga kali a lava leswaku mintshembhela eka ku twisia ka n’wina. Xikwembu a xi swilavi ku va mi tshembhela eka matwisiselo ya n’wina kumbe mianakanyo ya n’wina, kumbe mianakanyo leyi yi nga ya munhu un’wana.

<sup>33</sup> Xikwembu xi rhumerile Mufambisi, kutani Xikwembu xi mi lava mi swi tsundzuka leswaku yaloye i Mufambisi loyi Xi n’wi hlawuleke. Kutani hi fanele ku N’wi tsundzuka. Lahawani Yi ri, Yesu u teri, “Ndzi ngaka ndzi nga misiyi, kambe Ndzi ta khongela Tatana kutani Yena u ta mirhumela Muchaveleri un’wana.” Kutani Muchaveleri loyi, loko A ta, u ta hi fambisa eMintiyisweni hinkwayo. Kutani Rito ra Xikwembu i Ntiyiso, nakona Rito i Kreste, “Hi Mina Ndlela, Ntiyiso, ni Vutomi.” Hi Yena Rito, “Ekusungulen akuri ni Rito, kutani Rito a ri ri na Xikwembu, Rito akuri Xikwembu. Kutani Rito ri endliwile nyama kutani ri tshama exikarhi ka hina.” Swingaleswi loko hi landzelela Mufambisi wa ntiyiso wa xiviri, Moya wo

Kwetsima, U fanele a hi byela leswi A swi voneke, leswi A swi tweke, kutani U fanele a hi komba swilo leswi swi nga ta ta. Amen. Kwalaho mi nga kona. U ta mi komba swilo leswi swi nga ta ta.

<sup>34</sup> Kutani loko tikereke namunthla ti ala Sweswo, xana hi swi langutela hi ndlela yihi kuya eTilweni? Loko Moya wo Kwetsima wu rhumeriwile eka hina tani hi Mufambisi, hi ta teka khadinal un'wana, bishopo un'wana, mu angameri un'wana lonkulu, kumbe un'wana wo fana ni ya loye ku hi fambisa, loko Moya wo Kwetsima wa ha nyikiwile eka hina ku hi fambisa.

<sup>35</sup> Kutani Moya wo Kwetsima minkarhi hinkwayo wu vulavula hi Rito. "Ndzi na swilo swo tala leswi ndzi nga mi byelaka swona, mingaka mi nga Swi twisisi sweswi, kambe loko A ta, U ta mi fambisa eka Rona." Xexo hi xona xivangelo xa kuta ka Swilemo. Ekuhetisekeni ka Xilemo xa Vunkombo, swihundla swa Xikwembu swi ta hetiseka, ku tiva leswi Xikwembu Xi nga xiswona, leswi Xi nga xiswona, leswi Xi hanyisaka xiswona, ntumbuluko wa Xona, Xivumbeko xa Xona. U fanele u va eka ndlela hinkwayo ehenhla *lahawani* hinkarhi walowo, wa vona, ku hi tisa eka ku hetiseka ka xifaniso xa majaha ni vanhwanyana va Xikwembu, Kereke leyi yi hlantswiweke hi Ngati ya Kreste, leyi nga xaviwangiki hi mali, yi hakeriwile hi Ngati ya Yesu Kreste.

<sup>36</sup> Sweswi, hi hina lava, Mufambisi, kutani hi Yena Mufambisi loyi a tiseke hi Xikwembu. Sweswi, hi ya emananga kutani hile patwini ra hina kun'wanyana, kutani a hi nge swi koti ku famba kun'we hiri hava Mufambisi loyi. Kutani un'wana a nga chavi ku ringeta ku cinca mufambisi un'wana! Loko u swi endla, u ta ku humesa elayinini. Mufambisi loyi u tiva ndlela! U tiva inchii yin'wana ni yin'wana ya ndlela. U tiva ku anakanya kun'wana ni kun'wana loku ku nga embilwini. U tiva un'wana ni un'wana loyi a nga lahawani. U tiva leswi u nga xiswona ni leswi u swi endleke, ni hinkwabyo vu wena. Hi Yena Mufambisi wa Xikwembu, Moya wo Kwetsima, kutani wu ta mi paluxela swilo, wu mi byela swilo leswi Wu nga switwa, a nga ha tlhela a vula marito lawa u nga ma vula endzhaku kutani u vula leswi u swi vuleke. Amen. A ku byela laha u humaka kona, leswi u nga na swona, laha u yaka kona. Mufambisi, Mufambisi la lulameke, kutani U ta mi fambisa eMintiyisweni hinkwayo, kutani Rito ra Yena i Ntiyiso.

<sup>37</sup> Sweswi, Moya wo Kwetsima wu ngaka wu nga endlili, wu ku "amen" eka muxaka wun'wana wa dyondzo ya munhu ya mikhuva. Ntsena Wu ta vekela swihika-hikani eka Rito ra Xikwembu hi "amen" hikuva Ri tano. Moya wo Kwetsima wu ngaka wu nga mi fambisi hi ndlela yin'wana. Sweswi nchumu lowu wu chavisaka i, leswaku hinkwerhu ka hina,

hinkwato ti kereke letikulu ta hina ta mavito, hi ti endlisa i nga ku yin'wana ni yin'wana ya hina yi fambisiwa hi Moya wo Kwetsima, kutani kuna ku hambana ko tala tani hi laha ku nga ni nhlekani ni vusiku eka hinkwaswo eka hina.

<sup>38</sup> Kambe loko Paul, Mufarisi yaloye lontsongo loyi a amukeleke Moya wo Kwetsima loko Ananias atava a n'wi khuvurile, kutani u yile eArabia a ya dyondza ku ringana malembe ya nharhu, a vuya, kutani a nga kalanga a ti hlanganisa na kereke hikokwalaho ka swin'wana ku ringana khume mune wa malembe, kutani loko a ta ata hlangana na Petro, nhloko ya kereke ya Yerusalem, a vari tihlo hi tihlo eka Dyondzo. Hikokwalaho ka yini? Moya wo Kwetsima lowu wu nga un'we! Laha Petro a nga khuvula hi Vito ra Yesu Kreste, Paul u endlile swo fana ku ri hava loyi a n'wi byeleke. Laha Petro a nga dyondzisa hi ta nkhuvulo wa Moya lowo Kwetsima, niku kwetsimisiwa, nikuya emahlweni; Paul u endlile swo fana, handle ko tihlanganisa ni kereke, hikuva A kuri Mufambisi un'we. Xana a hi tava hi ri kwihi namuntlha loko vanhu a va lo tsan'wa Mintiyiso leyi xana? Loko Petro a dyondzisa hi ndlela leyi kereke a yi lava ku swi veka eka oda, Paul ari ni Dyondzo yo fana, hikuva va vile ni mufambisi un'we.

<sup>39</sup> Mufambisi a ngaka a nga teki un'we hi ndlela *leyi*, ni un'wana hi ndlela *yaleyo*, a rhumela un'wana evuhumadyambu u n'wana evupela-dyambu. U ta mi veka kun'we swin'we. Kutani ntsena loko hi nga pfumelela Moya wo Kwetsima wu hi veka kun'we, hi tava un'we. Loko-loko ntsena hi nga pfumeleri Javulosi a mi kokela eka ndlela leyi hoxekeke, hi tava mbilu yin'we, miehleketo yin'we, hi moya wun'we, hi Moya wu ri wun'we, Moya wo Kwetsima, Mufambisi wa Xikwembu loyi a nga ta hi fambisa eka Ntiyiso hinkawo. Sweswo hi swona. Kambe mi fanele ku landzelela Mufambisi wa n'wina. Ina, nkulukumba.

<sup>40</sup> Langutani eka Nikodema, u lavile Mufambisi, hambi leswi ari munhu wa kahle. Ari mudyondzisi, kwalomu ka makume nhungu wa malembe hi vukhale. A ri wa va-Farisi, kumbekumbe Makhotso ya Sanhedrin, Khansele, Hlangano wa va Ministara. Ari un'wana wa lava kulu wa vona, mudyondzisi eIsrael, muswikoti eka rona. Ehleketa, mudyondzisi wa vuswikoti! Ina, a tiva milawu, kambe loko swi ta eka ku tswariwa ra vumbirhi, u lavile Mufambisi. A ri ni ndlala ya yena. A swi tiva leswaku ku fanele ku va ni swin'wana swo hambana. Nhlamuselo ya yena eka Kreste madyambu ya lawa ya swi khorwisa. Nakambe swi khorwisa leswi, matwele ya vona hi nkawo, kambe ku hava na un'we eka vona loyi ari—loyi ari ni vurhena lebyi a ri na byona. A kuri hava ni un'we wa vona loyi a nga taka hi lahaya a ta endla leswi a swi endleke. Hinkwerhu ka n'wina, vanhu, mi sorile Nikodema hi kuta ni vusiku. A ri kwalahaya. U fikile. Ndza switiva

leswaku vanhu van'wana va ngaka va nga sunguli hambi kuri kusungula, nhlikanhi kumbe vusiku. Kambe u kumekile kwalahaya, nakona u lavile Mufambisi, kutani u teri, "N'wini, hina," kusuhi eka Khotso ra Sanhedrin, "ha switiva leswaku U Mudyondzisi loyi a humaka eka Xikwembu." Xana u swi tive njhani? A kuri loyi a tiyisisiweke hi vumbhoni. Wa vona, u lavile ku tiva leswaku ku tswariwa loku ra vumbirhi swi vula Yini, kutani u yile eka Loyi a nga wa ntiyiso, hikuva Xikwembu xi tiyisisile vumbhoni leswaku Loyi hi yena Mufambisi wa Xona, Yesu. Langutani leswi a swi vuleke, "N'wini, ha switiva leswaku Wena u Mudyondzisi loyi a humaka eka Xikwembu, hikuva ku hava munhu loyi a nga endlaka swilo leswi Wena u swi endlaka, handle ka loko Xikwembu xi ri na yena."

<sup>41</sup> Ku vile ni vumbhoni lebyi tiyeke lahaya, leswaku akuri ni Xikwembu lexi hanyaka endlzeni ka Yena. Loko A nyika vumbhoni, "A hi Mina loyi a endlaka mintirho ley; i Tatana wa Mina loyi a tshamaka eka Mina. Hakunene Ndzi ri eka n'wina, N'wana a ngaka a nga endli nchumu hi Yexe; kambe leswi A swi vonaka Tatana a swi endla, hi leswi swi endlaka hi N'wana. Loko Tatana a tirha, na Mina ndza Tirha." Hi marito man'wana, Xikwembu xi N'wi kombisa leswi a nga swi endlaka, kutani U ya a ya swi tirha. A nga endli nchumu kufikela laha Xikwembu xi n'wi byelaka leswaku A swi endla. Amen. Walowo i mongo wo tshembheka wo hetelela wa swona. Loko ntsena hi nga suka kutani hi yimela Moya wu hi susa eka ku swi endla! Sweswo hi swona. Hikokwalaho hi tava hi lahlekele eka Kreste hi ku hetiseka loyi A nga midlidlimbeta kutani hi laha A ndzi endleke, kambe ku pfumela ro sungula loku ntsongo ka nhloko ya Yena, u tilulamiserile nakona ku hava lexi xi nga ta ku yimisa, hikuva ma swi tiva leswaku sweswo i ku rhandza ka Xikwembu.

<sup>42</sup> U lavile Mufambisi. Kutani A ri Mufambisi loyi a tiyisisa hi vumbhoni. A nga ha fambisiwa hi Mufambisi hikuva a tiva Mufambisi loyi leswaku a ri ni nhlonhlotelo wa Xikwembu. A tiva leswaku mindzhavuko ley a yi tirheleke, kumbexani hi va-Farisi, va-Saduki, ni van'wana vo tala, a tirherile tidyondzo leti to hambuka nkarhi wo leha kutani a nga voni nchumu lexi xi humelelaka. Kambe lahawani ku ta Munhu eka xivono, a vula leswaku hi Yena xitshembhiso xa Mesiya wa Bibele. Hi loko a hundzuluka A endla mintirho ley yi fanaka ya Xikwembu. Yesu u teri, "Loko Ndzi nga endli mintirho ya Tatana wa Mina, swingaleswi mi nga Ndzi pfumeli. Kambe loko mi nga Ndzi pfumeli, pfumelani mintirho ley Ndzi yi endlaka, hikuva yi virule vumbhoni ha Mina."

<sup>43</sup> Swingaleswi, a swi hlamarisi loko Nikodema a nga vula leswi, "N'wini, ha swi tiva leswaku U Mudyondzisi loyi a humaka eka Xikwembu, hikuva ku hava munhu loyi a nga endlaka swilo leswi U swi endlaka handle ka loko Xikwembu xi ri na Yena." Wa vona,

u lavile Mufambisi, hambi leswi ari n'wini wa swilo. A ri n'wini wa kereke ya yena. A ri ni ndzhuti, nakona a ri—a ri ni tindhawu ta nd huma, kutani ari munhu wa kahle; a kuna ku kanakana, ku xiximiwa hi vanhu hinkwavo va tiko. Kambe loko swi ta eka ku tswariwa ra vumbirhi, u lavile Mufambisi! Swingaleswi na hina hi tano, ina, hi lava Mufambisi.

<sup>44</sup> Koneliya, ari wanuna wa kahle, munhu wo xiximeka. U akile tikereke. U xiximile va-Yuda hikuva a swi tiva leswaku vukhongeri bya vona a byiri lebya kahle. Kutani u hakerile ti tinhundzu leti ti nyikiwaka swisiwana, nakona a khongela masiku hinkwavo, kambe loko Moya wo Kwetsima wu ta (Swin'wana swi engetelelekile ekerekeni), u lavile Mufambisi. Xikwembu xi n'wi rhumele Moya wo Kwetsima. Xi Wu rhumerile eka munhu Petro, "Kambe loko Petro a ha vulavula Marito lawa, Moya wo Kwetsima wu wela eka yena." [Xivati lexi nga riki na nchumu eka thepi—Muhleri.] Xikwembu xi tirhisile Mufambisi ha Petro. Xi Wu tirhisile, hikuva Xi fambisile Koneliya hi ndlela leyi yi lulameke. Kutani loko a ha vulavula, Moya wo Kwetsima wu wela ehenhleni ka vona va Matiko. Hi loko aku, "Xana munhu a nga alela mati, leswaku lava va nga khuvuriwi xana?" Wa vona, hambi swi ri tano ka hari Mufambisi a vulavulaka, ku ngari Petro. Hikuva walowo a kuri ntlawwa wa va Yuda... kumbe va Matiko, "kuva ku nga basanga, thyaka" eka yena, kutani a nga swi lavanga ku famba hambi kuri ku famba. Kambe Mufambisi u teri, "Ndza ku rhuma." U endla swilo leswi u nga ehleketeke leswaku u nga swi endla, loko Mufambisi a kume vulawuri lebyi byi heleleke, loko mi N'wi pfumelela a mi fambisa. Oho, swi sasekile njhani ku fambisiwa hi Moya wo Kwetsima. Hi Yena Mufambisi. Hinkwaswo swi lulamile. U vulavurile na Petro a n'wi byela leswi a fanelaka ku swi endla. Kutani loko hinkwavo va Amukerile Moya wo Kwetsima, a ku, "Hi ngaka hi nga sivelei mati, hi ku vona leswi a amukeleke Moya wo Kwetsima tani hi laha a endleke eku sunguleni." Kutani va va khuvurile hi Vito ra Hosi Yesu. Sweswi, i mani a n'wi fambiseke eku endleni ka sweswo? Mufambisi loyi a ri eka yena. Yesu a nga kalanga a va byela aku, "Mi nga teki ni mianakanyo eka leswi mi yaka eku va byeleni, hikuva a hi n'wina loyi avulavulaka; i Tatana loyi a tshamaka eka n'wina, hi Yena a vulavulaka"? Amen.

<sup>45</sup> Mutsheniwa, a ta a huma eYerusalem. Kutani Xikwembu a xi ri ni Mufambisi emisaveni hinkarhi walowo, Moya wo Kwetsima, kutani a Xi ri ni munhu hinkarhi walowo kwalahaya loyi a tatiwile hi Vufambisi lebyi. A nga ri muchumayeri hambi swiritano, a ri wa muxaka wa mudiyakoni. Kutani ari ehansi lahaya a horisa vavabyi niku hlongola madimona, ni ku va nga ku hunga lokukulu, ntsako lowu kulu a wuri edorobeni. A ri ni madzana ya vanhu lava a va n'wi rhendzerile, hi loko Mufambisi a ku, "Yaleyo yi lehile, a hi tlheleni hi ndlela leyi." A nga kalanga a kanetana ni Mufambisi wa yena.

<sup>46</sup> U nga tshuki u kanetana ni Rito ra Mufambisi wa wena. N'wi landzi. Loko u nga swilavi, u ta hetelela hi ku lahleka. Kutani, tsundzuka, loko u N'wi tshika, u ti fambela swa wena, swingaleswi hi lava ku va ekusuhi swinene ni Mufambisi.

<sup>47</sup> Swingalesi endleleni, A ku, "Tshika ntlawa lowu sweswi, Filipi, kutani huma u ya emananga laha ku nga riki na munhu. Kambe ndzi ku rhumela kwalahaya, kutani ku tava ni un'wana loko Ndzi ku rhumela kwalahaya." Lahawani kuta mutsheniwa loyi a nga na xivundza, ari wanuna wa kahle eka hosikazi ehansi eEthiopia. Swingaleswi ari eku teni, ari eku hlayeni ka Buku ya Esaya. Hi loko Mufambisi aku, "Famba ekusuhi ni kalichi."

Hi loko aku, "Xana wa swi twisisa leswi u swi hlayaka xana?"

<sup>48</sup> A ku, "Xana ndzi nga ma twisisa njhani hikuva ku hava munhu loyi a ndzi hlamuselaka?" Oho, mina! Kambe Filipi ari ni Mufambisi. Amen. Kutani u sungurile eka Matsalwa lawa ya fanaka, a n'wi chumayeleta hi Kreste. Amen. Mufambisi! Ku ngari ku n'wi byela dyondzo yin'wana yo hambuka, u n'wi hlamuserile hi Mufambisi, Kreste! Kutani u n'wi khuvurile kwalahaya eka mati man'wana. Hakunene, a swi ri tano. Oho, ndzi swi rhandza njhani sweswo!

<sup>49</sup> Loko Israel ri siya Egipta kuya eka tiko ra xitsembhiso, eka Eksoda 13:21, Xikwembu a xi swi tiva leswaku a va se tshama va famba hi ndlela yaleyo. Ntsena a kuri makume mune wa timayili, kambe hambi swiri tano va lavile swin'wana ku famba na swona. Va lahlekeriwa hi ndlela ya vona. Swingaleswi Xona, Xikwembu, xi va rhumerile Mufambisi. Eksoda 13:21, swin'wana tani hi leswi, "Ndzi mi rhumela Ntsumi ya Mina ku mirhangela, Langavi ra Ndzilo, ku mi hlayisa endleleni," ku va letele ku ya eka tiko leri ra xitsembhiso. Kutani vana va Israel va landzelerile Mufambisi yaloye, Langavi ra Ndzilo (ni madyambu), Papa ni nhlikanhi. Loko Ri yima, a va yima. Loko Ri famba, a va famba. Kutani loko Xi va tshuneta ekusuhi ni tiko, kutani va nga ri ni nfanelo yo ya kona, Xiva tlheleriserile endzhaku emananga nakambe. A Xi nga ta famba na vona.

<sup>50</sup> Sweswo hi leswi swi nga xiswona, na kereke namuntlha. A swikanakanisi kambe i ku tiyisela ka Xikwembu namuntlha, tani hi laha a swi ri emasikwini ya Nowa, kereke a yi tava yi fambile loko ntsena ayi tilulamisile yi tshama hi ndlela ya kona. Kambe Xi fanele xi hi fambisa hi ku rhendzeleka niku rhendzeleka ni ku rhendzeleka.

<sup>51</sup> Swintsongo Israel ri switivile, loko va ri entsakweni, loko va vona masocha ya Egipta ya fa, tihanci leti a tinwela, makalichi ya Faro mazima, va vile niku hlula, Muxé a ri eMoyeni, a yimbelela a ri eMoyeni, Miriam a cina a ri eMoyeni,

kutani vanhwenyani va Israel va ya ehenhla nale hansi eribuweni, va huwelela ni ku cina, a va ri ni masiku mantsongo kufika eka ntswamba ni vulombe. Swintsongo leswi ava swi tiva akuri ku famba makume mune wa malembe, hikuva va sungurile ku pfukele Xikwembu matimba ni Mufambisi.

<sup>52</sup> Kutani hi kumeka hi ndlela leyi yi fanaka na hina. Ndzi ya eShreveport loko ndzi suka lahawani. Kutani Moya wo Kwetsima wu wisa Siku ro Nkhensa, malembe ya makume ntlhanu lawa ya hundzeke, eLouisiana, eka Siku ro Nkhensa. Leswi kereke yi nga wisa xi swona kusukela nkarhi walowo! Mikale mi swi lemuka sweswo leswaku kereke ya Roman Khatholiki emasunguleni ya yona a kuri kereke ya ximoya? Walowo i ntiiyiso. Sweswo hi swona. A yi ri kereke ya ximoya, kambe ku khomelela ka vukulukumba ku sungurile ku nghena ku fika ku—ku ncinka Matsalwa ya Xikwembu hi mindhavuko ya vona, va Ri engetela hi milawu ya vona, ni kuya emahlwени. Kutani languta leswi va nga na swona sweswi, ku hava ni vala ra Matsalwa eka swin'wana ni swin'wana swa swona. Va ncincile swin'wana eka swin'wana, xiphemu xa xinkwa xa Moya wo Kwetsima. Va ncincile va haxa ematshan'wini ya ku peta. Va ncincele eka "Tatana, N'wana, ni Moya lowo Kwetsima" ematshan'weni ya "Hosi Yesu Kreste." Va ncincile swilo leswi hi nkwaswo leswikulu swa rito ra Xikwembu leri a ri vekiwile emahlweni ka hina, kutani va va ekule, ekule swinene, ekule ni Dyondzo ya Matsalwa.

<sup>53</sup> Kutani Pentekosta yi wele eLouisiana, makume ntlhanu wa malembe lawa ya hundzeke, kutani loko yi nga yima ku ringana malembe man'wana ya dzana, kutava kuri ku fambela ekule kutlula kereke ya Khatholiki, loko yi tshamela kuwa hi ndlela leyi ayiri hi yona eka malembe ya makume nthanu lawa ya hundzeke, hikuva ntsena va le ku engeteleni eka swona hinkwaswo nkarhi hi nkawo, va nga ncinci. Vachumayeri va fexeni ya xikhale va fambil. Tinhlengeletano ta le switarateni, ami kalanga mi twa na yin'we. Leswi hi nga na swona hinkwaswo i ntlawa wa Hollywood wu nga engeteriwa eka swona, ni vavasati va misisi yo bobawa va ambeleke swo koma, va tipenda-pendile, ni swin'wana ni swin'wana, va tivitatana Vakreste. Ricky un'wana lontsongo na katara, aya ehenhla na le hansi endhawini, ni vavasati lava va nga ambala swo manya tani hi... hlonge leyi susiweke ya vhiyana ni—ni hlonge ehandle, hi ntolovel, a khinyaveza a ri karhi a rhendzeleka hi platifomo, aya ehenhla na le hansi eka platifomo, ari eku cineni na masuruvele lawa ya nga eku jombheni endleveni, kutani un'wani wa lava lahawani ntombi leyintswa wa le tikweni leri ku keriwaka misisi, kutani u tivitana Mukreste.

<sup>54</sup> Leswi hi swi lavaka i fexeni ya khale, loyi arhumeke hi Xikwembu, vukhongeri lebyi byi hisaka lebyi nga hisaka misava yi huma ekerekeni. Hi lava ku tlhelela endzhaku eka

Moya wo Kwetsima ni ndzilo, endzhaku eka nchumu lowu hisaka majoro ya suka, wu tisa fexeni ya khale yo chumayela, wu endla Matilo ma va ehenhla, ni tihele leti hisaka, ni barele ya xibalesa yi va leyi lulameke. Hi lava muxaka walowo wa nchumayelo. Kambe loko wo wu endla namuntlha, nhlengeletano ya wena yi ta ku hlongola.

<sup>55</sup> Minkarhi yin'wana swichumayeri swa kahle swi hambukisiwa hi nhlengeletano ya swona. Xexo hi xona xivangelo xa kuva ni nga ri na kereke ya vito. Ndzi ni hofisi yin'we leyi yi ndzi fumaka, yaleyo i ya le Tilweni. Hikwako laha Xi ndzi rhumaka kona, ndza ya. Hikwaswo leswi Xi swi vulaka, ndza swi vula. A hi yi lavi kereke ya vito. Loko kereke leyi yi tshame yi vulavula hi kereke ya vito, mi tava mi lahle mufundhis i kwalaho. Ndzi nga ka ndzi nga nembeleli eka yona, ku ngari ntlanu wa timinetse tin'we. Kereke yin'wana ni yin'wana leyi yi nga kala yiva kereke ya vito yi yile eka mbewu, mi ndzi byela hi yin'we leyi nga swi endlangiki, kutani mi ndzi byela yin'we leyi yi nga tlhela yi pfuka nakambe. Moya wo Kwetsima wu rhumeriwe ku fambisa kereke, ku nga ri ntlawu wun'wana wa vavanuna. Moya wo Kwetsima wu na vutlharhi hinkwabyo. Vavanuna va kumeka va khomelela, hi ku hambanana.

<sup>56</sup> Xikwembu xi va byerile leswaku Xi ta va rhumela Mufambisi, Xi ta va rhangela endleleni. Kutani tani hiloko va landzelela Langavi lero ra Ndzilo, a vari kahle. Xi va rhangerile kuya fika enyangweni wa tiko ra xitshembhiso, kutani kwalaho hi leswi a Xi fanele ku fambisa xiswona. Swingaleswi Joshua, nghwazi ya leyo leyikulu, tsundzukani siku leri a nga va byela leswaku, "Tikwetsimiseni n'wina hi n'wexe, hi siku ra vunharhu Xikwembu xi ya eku pfuleni ka Yordan ehansi lahawani kutani hi ya eku tsemakanyeni"? Sweswi langutani leswi a swi vuleke (ndzi rhandza leswi) eka Matsalwa, u teri, "Tshamani ekusuhi ni Areka, hikuva a mi se tshama mi hundza hi ndlela leyi."

<sup>57</sup> Xana Areka i yini? Rito. U nga fambi hi mapatu ya tikereke ta mavito sweswi, tshama endzhaku ka Rito, hikuva a mi se tshama mi ta hi ndlela leyi. Kutani, makwerhu, loko ku tshame kuva ni nkarhi laha kereke ya Vakreste yi fanelaka ku ti kambela yona hi yoxe, hi wona lowu. Hi kwalahawani sweswi laha nhlegetano leyikulu yi yaka emahlweni eRhoma sweswi, ku hambana ku endliwile, nhlangano wa tikereke, laha tikereke leti ta mavito ti nga hlengeletana kun'we ku vumba xivumbeko xa xivandzana, ntsena tani hilaha Bibele yi nga swivurisa xiswona. Kutani ma switiva leswi hi swi vuleke mixo lowu eka Hungu. Kutani hi hina lava, swin'wana ni swin'wana swile nyangweni, kutani vanhu va ha landzelela dyondzo yo hambuka. Swa antswa u tshama endzhaku ka Rito! Rito ri taku rhangela eku tsemekanyeni, hikuva Rito i Kreste, kutani Kreste i Xikwembu, nakona Xikwembu i Moya lowo Kwetsima.

<sup>58</sup> Tshamani endzhaku ka Rito! Oho, ina, nkulukumba! Tshima ni Mufambisi ya loye. Tshamani endzhaku ka Rona. Mi ngavi emahlweni ka Rona, mi tshima endzhaku ka Rona. Ripfumeleni ri mi rhangela, n'wina mi nga Ri rhangeli. Mi Ri tshika ri famba.

<sup>59</sup> Yoshua u teri, "Sweswi, a mi se tshima mi hundza hi ndlela leyi, a mi tivi nchumu hi ndlela leyi."

<sup>60</sup> Rero hi rona khombo namuntlha. A mi kali mi lava mufambisi loyi a nga ta mi kombeta eka ku anama ka ndlela. Oho, mi tiva tiphasoji hinkwato ni swin'wana ni swin'wana. Mi tiva ndlela hinkwayo leyi yi yaka eka vudyoho. Akuna... Oho, a mi ri kwalahawani nkarhi wo leha. A mi kali mi lava munhu un'wana la nga ringetaka kumi byela ha toni, mitiva hinkwato tindlela to tsemakanya. Sweswo hi swona, xidyoho xin'wana ni xin'wana, maswitiva hinkwaswo ka swona. Ku hava munhu loyi a nga mi byelaka hi ma yiveloo; maswitiva sweswo. Ku hava munhu loyi a nga mi byelaka hi marhuketelelo; ma ya tiva. Ku hava munhu loyi a nga mi byelaka ku endla swilo leswo biha, hikuva swipulakiwile eka murhi wun'wana ni wun'wana kun'wana ni kun'wana.

<sup>61</sup> Kambe, tsundzukani, n'wina vanhu lava mi nga Vakreste, mi tsemekanyile mi hundza. Mile Tikweni rin'wana. Mitswariwile nakambe. Mile Tikweni, Tiko rale Tilweni. Mile Tikweni ra xitshembhiso.

<sup>62</sup> Mi nga ha swivona, mitiva ndlela ya n'wina hinkwako lahawani. Oho, mina, ina. Mitiva leswi—leswi, leswi mi nga yimisaka xiswona eka voko rin'wana ra makhatsi. Mitiva na madayizi, loko ya vumbuluka, leswi ma swi vulaka, ni hinkwaswo tani hi sweswo. Kambe loko swita eku tiveni ka ku kwetsima ni ku lulama ni matimba ya Xikwembu, ni leswi Moya lowo Kwetsima wu tirhisaka xiswona ni leswi Wu swi endlaka, swa antswa mi tshima endzhaku ka Rito, leri nga Mufambisi. Wa vona? A mi se tshima mi hundza hi ndlela leyi.

<sup>63</sup> Kunene, mi ri, "Ndzi munhu wo saseka ngopfu, ndzi na—ndzi na ti digiri timbirhi tale kholiji." Swa antswa u swi rivala sweswo. Ina, nkulumba.

<sup>64</sup> "Ndzi yile eka tiseminari." Wo namba u rivala. Ina. Swa antswa u tshima endzhaku ka Mufambisi. Pfumelela Yena aku fambisa. U tiva ndlela; a wu yi tivi. A wu se tshima u hundza hi ndlela leyi. "Hakunene," mi ri, "va na yona."

<sup>65</sup> Languta loko va ri na yona. Yesu u teri, "Lava va hundzeke hi ndlela leyi, masingita lawa ya ta va landzela. Hi Vito ra Mina, va ta hlongola madimona, va ta vulavula hi tindzimi leti ntshwa; kumbe va khoma ti nyoka kumbe lewi swi dlayaka, kambe swingaka swi nga va endli nchumu. Loko va tlhandleka mavoko eka lava va vabyaka, va ta hola." Vunyingi bya vona va Ri ala, va Ri tsan'wa, vaku hambi kuri ku hlohloteriwa

a Ri hlohloteriwanga. Avale ku landzeleleni ka Mufambisi. Va landzelela dyondzo ya munhu yo hambuka. Swa antswa u tshama endzhaku ka Rito, hikuva awu hundzanga hi ndlela leyi, wa swi tiva.

<sup>66</sup> Kambe mi tswariwile ra vumbirhi, kutani mi tswariwile eku kwetsimeni. A mi se tshama mi hundza hi ndlela leyi. Mi hu-... Loko mi hundza hi ndlela leyi, mi fanele mi ta mi ri karhi mi kwetsima, hikuva i Tiko lerintshwa, Vutomi lebyi ntshwa, vanhu vantshwa.

<sup>67</sup> U ta ta ekerekeni u fika u twa un'wana a yima, a huwelela, "Ku kwetsima akuve eka Xikwembu! Haleluya!"

<sup>68</sup> Hikokwalaho ka yini, mi ku, "Khombo, ra mina, ava kalanga va swi endla sweswo ekerekeni ya mina! Nzi ta yima ndzi huma!" Wa vona? Mi ti vonela.

<sup>69</sup> Tshamani endzhaku ka Rito, sweswi, pfumelelani Mufambisi a mi rhangela. "U ta mi fambisa eMintiyisweni hinkwayo, niku paluxa swilo leswi Ndzi nga vulavula na n'wina ha swona. U ta mi komba swona. U ta mi byela swilo leswi swi nga tata," Mufambisi wa ntiyiso. Mi nga yi eka bishopo; yanani eka Mufambisi. Mi nga yi eka un'wana ni un'wana kambe Mufambisi. Hi Un'wana loyi a rhumiweke ku ta mi fambisa. Hi Un'wana loyi a nga ta swi endla. Xikwembu xi mi nyikile Mufambisi. Tekani ndlela leyi yi nyikiweke hi Xikwembu.

<sup>70</sup> Khombo ra kona namunlhha, hi leswaku vanhu lava va taka ekerekeni ntsena va tshama ti minetse tintsongo, swin'wana swi ya emahlweni leswi va nga swi tolovelangiki.

<sup>71</sup> Ndzi nkhesa wansati lontsongo a humaka eka kereke ya ximfumu yo titimela, ntsena hi vile ni xikhongelo na yena. Xikwembu xi ya eku n'wi horiseni wansati loyi lontsongo. A nga kalanga a swi twisia leswi. A nga tivi nchumu ha swona. U nghenile, aku a nga switivi. Kambe ndzi n'wi byerile, "Tana haleno u ta ndzi vona." I munhu un'wana wo nyuma ni ku tlhelela endzhaku, kambe Mufambisi a tshamela ro n'wi byela, "Yana emahlweni." U na yena. Yaloye hi yena. Wa vona, swi hikokwalaho ka Moya wo Kwetsima lowu wu hi fambisaka eka swilo leswi. Wa vona, Xikwembu xi na ndlela ya xona leyi xi yi tiseke.

<sup>72</sup> Mi tshame mi... Mitshame mi xiyisisa sekwa rale nhoveni loko ri famba ri ya emahlweni, masekwa ya le kaya ya famba ya ya edzongeni? Kunene, sweswi tsundzukani, xisekwana xexo lexi ntsongo xi tswariwile lahaya ehenhla exidan'wanini ku n'wanyana. A xi ku tivi evuhuma-dyambu, n'walungu, vupela-dyambu, nile dzongeni. A xi tivi nchumu kambe xidan'wana xexo xi tshameke ehenhla lahaya etintshaveni ta Canada. A xi kalanga xi suka eka xidan'wana xexo, kambe xi tswaleriwile ku rhangela. Xisekwana xexo xi tswaleriwe

ku rhangela. Kutani nchumu wo sungula, vusiku byin'wana akuri ni gamboko leyikulu yi ta yi huma etintshaveni. Xana ku humelerile yini? Xisekwana xexo xo titimela xi ta xi huma lahaya. Ndzi nga ha n'wi anakanya loko a rhurhumela, aku, "Mhani, xana leswi swi vula yini?" Wa vona, a nga se tshama a twa ku titimela ka maxelo walawo mpfhuka ku va yena. U sungurile ku tekela enhlokweni, u sungurile ku xiyisisa ku rhendzeleka hile makunwini ya xidan'wana, ku sungurile ku tiya, ayisi yi nghena eka xidan'wana. A nga switivi, kambe hinkwako xikan'wekan'we... U tswaleriwile ku rhangela ku risa masekwa. U ta tlula a huma exikarhi ka xidan'wana xexo loko ku n'wi ba. Mi swi vitanisa leswi miswi lavisaka xiswona. Hi swivitana nhlohlletelo, kumbe mi nga ha swi vitana, oho, ntsena rintumbuluko, hambi ku nga hava yini. U ta huma kona kwalahaya exikarhi ka xidan'wana, a nuhetela axikarhi a huwelela ehenhla emoyeni, kutani a famba, "Honk-honk, honk-honk!" Kutani sekwa rin'wana ni rin'wana exidan'wanini ri tata eka yena. Hikokwalaho ka yini? Va tiva murhangeri wa vona, ntsena hi ndlela leyi a ririsaka xi swona.

<sup>73</sup> "Loko mhalamhala yi humesa mpfumawulo lowu nga twisisekiki, xana i mani loyi a nga ta ti lulamisela nyimpi?" Hi swona. I mani loyi a nga ta ti lulamisela nyimpi loko mhalamhala yi humesa mpfumawulo lowu nga twisisekiki xana?

<sup>74</sup> Kunene, loko xisekwana xexo xi humesa honk leyi nga riki kahle, i mani loyi a nga ta tilulamisela ku haha yena hi yexe? Sekwa lero ra khale ri ta tlakusela ehenhla nomo wa rona lahaya, kutani ri huwelela, "Honk-honk, honk-honk!" Kutani xisekwana xin'wana ni xin'wana xi ta ta eka yena. "Honk-honk, honk-honk!" Lahawani va kona. Tani hi jubile va ta va na kona, kona kwalahaya exikarhi ka xidan'wana, ntsena ku jika kuya emahlwени nile mahlweni nile mahlweni. Endzhaku ka xinkadyana loko a xi twa xi famba-famba eka yena, u fanele ku famba. U ta veka swipikwana swa yena ehansi a haha a suka eka xidan'wana xexo, aya ehenhla emoyeni a jika-jika ku ringana ka mune kumbe ka ntlhanu, a famba a kongoma eLouisiana tani hi laha a nga fambaka, sekwa rin'wana ni rin'wana endzhaku ka yena. "Honk-honk, honk-honk," lahaya wa ta. Hikokwalaho ka yini? Hi yena mufambisi! Amen! Masekwa ma tiva mufambisi wa wona, kereke a yi n'wi tivi. Ina, u tiva leswi a nga ta swi endla.

<sup>75</sup> Langutani eka masekwa ya vona ya khale, kusuka mpfhuka wo suka eAlaska. Sweswi, kuna sekwa ra khale ra xinuna leri minkarhi hinkwayo ri ma rhangelaka, kutani masekwa lawa n'wana ya vona ya fanele ku languta sekwa lero ra xinuna kahle. Mafanele ma swi tiva leswi sekwa lero ra xinuna ri vulavulaka hi swona. Mikale mi swi hlaya sweswo eka *Look Magazine* lahawani kwalomu ka mune wa malembe lawa ya

hundzeke, laha sekwa ra kahle ra xinuna nkarhi wun'wana a ri nga switivi leswi a ri swi endla, kutani ri rhangerile ntlawa wa masekwa ndlela hinkwayo yo ya eEngland? Sweswo hi swona. A ma kalanga ma tiveka leswaku ma le England eku sunguleni. Hikwalaho ka yini? A ma kalanga ma xiyisia murhangeri wa-wa wona. Sekwa lero ra khale ra xinuna a ri nga ku tivi laha ari ya kona. Kutani sweswi makwalahaya ma nga ka manga ha tlheleri endzhaku.

<sup>76</sup> Yaleylo hi yona mhaka ni hi nkwyabyo vunyingi lebyi bya masekwa namutlha, ma ha khida. Va ri, *Look Magazine* ya leyo yi teri, masekwa lawa ya khida ni ku haha ku rhendzeleka hi England, kambe ama ha swi tivi leswaku ma nga tlhelerisa ku yini endzhaku. Yaleylo hi yona ndlela leyi yi nga xi swona ni *masekwa man'wana* lawa ndzi ma tivaka. Ma khida, ni nhlengeletano leyikulu leyi tsemaka nhlana, nikuva ni xichumayeri xa timpfuxelelo lexi xi taka na vona ku ta chumayela xinkadyana, kambe a mi ku tivi laha mi yaka kona. Ku hlambela mi ri karhi mi rhendzeleka ni ku rhenzeleka, hikuva mi na sekwa ra xinuna leri mi rhangelaka ku suka eka kereke ya vito leyi ya ha ti nwelaka; ku ngari ku tlhelela endzhaku eka Rito ra Xikwembu, ku tlhelela endzhaku eka nkhuvulo wa Moya wo Kwetsima. Kutani ha hlamala leswaku hikokwalaho ka yini hi nga ri ni mpfuxelelo emasikwini ya hina. Wa vona? U fanele u kuma Pfumawulo wun'wana walowo! Mpumawulo wa lowo i ku hefemula ka mhalamhala ya Evhangeli yi humesa Evhangeli, Rito rin'wana ni rin'wana ra Xikwembu. Ku ngari dyondzo ya vunwa, ku nga ri kereke ya vito; kambe Bibele, Moya wo Kwetsima. "Mahlori lawa ya ta endliya hi lava va pfumelaka." Wa vona? Kutani lahaya vaya ehansi epatwini.

<sup>77</sup> Sekwa rin'wana ra khale ra xinuna karhi wun'wana, va teri, rivile ni ntlawa lowu wu dlayiweke, ri ringeta ku wu hahisela exinyamini, a nga ku tivi laha a yaka kona, yena hi yexe, kutani hinkwavo va tlumbane na tintshava ehandle lahaya, kutani man'wana ya wona ya hangalaka, matlumbana. Hakunene! Mafanele ku tiva mpfumawulo wun'wana wa wona. Sekwa lero lerintsongo ra khale, loko ari ni pfumawulo wun'wana kutani un'wana ni un'wana a wu tiva, va vile ni ku tlangela ku ntsongo ko khida kutani ya famba ya ya edzongeni. Xana a ma ya ma ya endla yini kwalahaya? Laha ku nga titimeleku.

<sup>78</sup> Sweswi, loko Xikwembu xi nyika sekwa vutitwi lebyi eneleke ku tiva ku papalata xirhami, xana a Xi fanelanga ku nyika kereke xana? Loko sekwa ri nga kota ku endla sweswo hi rintumbuluko, Moya wo Kwetsima wona ke eka kereke? Wu fanele ku hi rhangela ku suka eka mafumelo ya xikhale ni tidyondzo to hambuka ni swin'wana, ku ya eka ku kwetsima, nkhuvulo wa kahle wa Moya wo Kwetsima. Laha wu tisaka

vunene, vutivi, ku tiyisela, vukwembu, ni Moya wo Kwetsima. Yaloye hi yena Mufambisi lonene a nga fumbisaka, hikuva A nge hefemuli swin'wana handle ka Evhangeli, ntsena Rito ra Xikwembu. Hakunene, mi lava Mufambisi!

<sup>79</sup> Loko, tintlharhi, ti nga tivanga nchumu ha Xikwembu. Va ri—va ri va endli va masalamusi, va masalamusi. A ti ri eka vurhonga. Maswitiva, Bibele yi teri, “Hi vonile Nyeleti ya Yena eVuxeni, hi tile ku ta N’wi gandzela.” A va huma evuhumadyambu, va langutile evupela-dyambu kutani va vona Nyeleti ya Xona...kumbe va languta evupela-dyambu, a vari eVuxeni. A hi ri eVuxeni, kutani hi vona Nyeleti ya Yena evupela-dyambu. Wa vona? “Hi vonile Nyeleti ya Yena eVuxeni.” Kutani, wa vona, a vari eVuxeni. “Loko hi ri eVuxeni hi vonile Nyeleti, kutani hi tile ku ta N’wi gandzela.”

<sup>80</sup> Ndzi nga ha swi anakanya ku vona vanakulorhi lava loko va tilulamisela ku famba. Ndzi nga ha anakanya un’we wa vavasati wa vona loko aku eka yena, aku, “A vula, paka swilo hinkwaswo u swi lunghisa, kambe khompas ya wena yi kwih?”

A ku, “A—a ndzi nge tirhisi khompas eka lowu nkarhi.”

<sup>81</sup> A ku, “U ta tsemakanya njhani tintshava?” Tsundzuka, a va fanele ku tsemekanya Tigris River va ehlela ehansi erivaleni, kutani, hikokwalaho ka yini, va vile ni rendzo ra malembe mambirhi hi tikamela. A va ta swiendlisa ku yini? A ku, “Kunene, a wu teki hambi ku ri kuteka khompas.”

Aku, “Ee.”

U ta famba njhani xana?”

<sup>82</sup> “Ndzi famba hi ndlela leyi Xikwembu xi ndzi nyikeke yona. Nyeleti ya leyo yi nga ekusuhi yi ta ndzi rhangela kuya eka Hosi ya leyo.” Sweswo hi swona.

<sup>83</sup> “Hi vonile Nyeleti ya Xona eVuxeni, kutani hi Yi landzelela ndlela hinkwayo lahwani evupela-dyambu, ku ya N’wi gandzela. U le kwih?” Valandzelerile ndlela leyi nga nyika hi Xikwembu. A va karhele hi ntlawa wa tidyondzo to hambuka lahayu hi xinkadyana nyana. Va tile eYerusalem kutani va sungula ku famba exitarateni, vanhu lava va nga ambala kahle, vaku, “U le kwih xana? Xana U tswariwe kwih Hosi ya va-Yuda?” Kunene, kwalaho a kuri nhloko, leyi a yi ri eYerusalem. Hakunene kereke leyikulu yi fanele ku tiva swin’wana ha Yona. “U le kwih xana? Xana u tswariwe kwih Hosi ya va-Yuda? Hi vonile Nyeleti ya yena eVuxeni, hi ta eku N’wi gandzeleni. U le kwih xana?”

<sup>84</sup> Hikokwalaho ka yini, va yile eka mufundhis *So-na-so* nale ka muprista lonkulu wa *So-na-so*, kuhava na un’we eka vona a Yi tivaka. “Hikokwalaho ka yini, kuna Hosi Yin’we leyi nga tswariwa ya va-Yuda, U le kwih xana?” A va swi tivanga.

<sup>85</sup> Kambe a kuri na ntlawa wa varisi hi tlhelo leriya ra xiganga ntsena va ni nkarhi wa vona, ina, nkulukumba, hikuva va tile hi ndlela leyi va nyikiweke hi Xikwembu.

<sup>86</sup> Kutani va tshamile kwalahaya, hiloko hi ku kongoma aku, “Ndzi ta mi byela leswi hi fanelaka ku swi endla, hi fanele hi va ni nhlegeletano ya bodo.” Swingaleswi va vitaniwile eka Sanhedrim Council, kutani—kutani a va ehleketa loko va ri ni swin’wana ha Yona. “Ee, a hi tivi nchumu ha Yona.”

<sup>87</sup> Walowo i nchumu lowu wu fanaka namuntlha. A va tivi nchumu hi Mufambisi loyi, Moya lowu wo Kwetsima lowu wu hanyisaka, wu tataka, wu ponisaka, wu vuya nakambe. Mufambisi loyi a hi byelaka hinkwaswo swilo leswi swi nga humelela, hi hina lava hile xikarhi ka vona. Kambe hi rona leri avanyisaka mianakanyo ni makungu ya timbilu; ava kali va tiva nchumu hi Rona, va Ri vitana swendlo swo hlangana nhloko kumbe swin’wana. A va tivi leswi va nga swi vulaka ha Rona.

<sup>88</sup> Swingaleswi, maswivona, tintlharhi leti, ntsena tani hiloko... Tsundzukani, loko ti nghena eYerusalem, Nyeleti yi nyamalarile. Kutani tani hiloko u languta tidyondzo ta vunwa ni vanhu va tidinominexini kuva va mi rhangela kuya ka Xikwembu, ku pfuna ka Xikwembu ku ta mi sukela. Kambe loko va vabya niku karharisiwa hi tona, niku tisiya, ku siya tidyondzo ta vunwa ni tidinominexini ta va-Yuda lava, kutani va huma eYerusalem, hiloko Nyeleti yi humelela nakambe hiloko va tsaka hiku tlurisia hi ntsako lowukulu. Va vonile Mufambisi nakambe! Oho, swi njhani, kumeka eka kereke yin’wana ya khale leyi yi titimelaka ya ximfumo, kutani u tlhelela endzhaku eka yin’wana ya kahle leyi nga ya ndzilo, u vona Mufambisi loko a rhangela, hikwihi ku hambana loku ku nga na kona! Ina, “Hi vonile Nyeleti ya Xona eVuxeni kutani hi tile ku ta Xi gandzela.”

<sup>89</sup> Joshua uteri eka vona, “Sweswi mi landzelela Areka, hikuva a mi se tshama mi va eka ndlela leyi.” Xikwembu a xi nge pfumeleri Areka ya leyo kuya kun’wana niku n’wana kambe ku ya laha ku nga kahle. Un’wana ni un’wana a Yi landzelela, kutani Yi yile yi tsemekanya Yordan.

<sup>90</sup> Swa fana ni namuntlha, hi Moya wo Kwetsima. Ina, nkulukumba. Nchumu wun’we lowu hi wu tivaka, hambi i Moya lowo Kwetsima kumbe ku nga ri wona, hi vona ku kombi-...ku kombisa ka Wona, ku kombisiwa ku tiyisisa Rito ra Xikwembu.

<sup>91</sup> Sweswi, ku nga ri khale ngopfu, ntlawa wa vamakwerhu avari ni ngati ni mafurha, kutani sweswo swi kahle hinkwaswo loko va lava ku endla hi ndlela yaley. Ndzi... Sweswo a hi ku tiyissa eka mina. I ku tiyisisiwa ka Matsalwa, wa vona, ntsena tani hiloko ma tiyissa leswi Xikwembu xi nga swivula,

sweswo swi kahle hinkwaswo. Va teri, "Lexi hi xona xivangelo xa kuva u ri ni Moya wo Kwetsima, u na mafurha emavokweni ya wena." Sweswi, a—a ndzi nge yi eka sweswo. Wa vona? Ee, a ndzi pfumeli leswaku mafurha ya na leswi ma nga swi endlaka ha wona. Kutani loko ngati ya leyo yi ya eku hanyiseni ni ku ponisa, xana ku humelele yini hi Ngati ya Yesu Kreste? Loko mafurha ya lawa ya hanyisa, xana timbangta Yena tona ke? Wa vona? Wa vona?

<sup>92</sup> Ndzi tsakela Mufambisi loyi a nga tata, Loyi a mi tisaka eka Ntiyiso wa Rito, swingaleswi ma switiva leswaku mi nghenile endzeni nakona mi ti lulamiserile ku hlayiwa. Sweswo hi swona, ku tilulamisela ku hahela ekule. Ina, nkulukumba. Ina, hikuva hikokwalaho ka yini? Mufambisi hi Un'wana Loyi a swi endlaka swiva swa ntiyiso.

<sup>93</sup> Ndzi na Matsalwa lahawani, ndzilo nyikiwa Matsalwa lawa, kambe ndzi lava ku hlaya lamawani. I Petro wa Vumbirhi, papila ra vu1, vthese ya vu21.

*Hikuva...vuprofeta a byi tisiwanga hiku rhandza ka munhu ni siku nirin'we: kambe vanhu va Xikwembu lava hlawuriweke va vurile va ri karhi va susumetiwa hi Moya lowo Kwetsima.*

<sup>94</sup> Xana vuprofeta byi tile njhani? Ku nga ri hiku rhandza ka munhu, tidyonzo to hambuka ta ti kereke ta mavito; kambe hiku rhandza ka Xikwembu, loko vanhu lava hlawuriweke va susumetiwa hi Moya wo Kwetsima. Minkarhi hinkwayo A ri Mufambisi wa Xikwembu. Walowo akuri Moya wo Kwetsima lowu a wu ri eka Langavi ra Ndzilo, walowo akuri Moya wo Kwetsima, munhu un'wana ni un'wana a switiva leswaku ya loye akuri Kreste. Muxe u fularhele Egipta, a tshembha ku tshunelela Kreste hi rifuwo lerikulu ku tlula lero ra Egipta. Kreste hi yena Un've. Kunene, loko va yima ehandle lahaya vaku, "Kunene, Uri U...Hikokwalaho ka yini, A wu le henhla ka makume ntlanhu wa malembe hi vukhale, kambe uri U vonile Abraham?"

<sup>95</sup> U teri, "Abraham a nga se va kona, A NDZI ri kona." NDZI Un'wana loyi a nga hlangana na Muxe hi Langavi ra Ndzilo eka xihlahla lexi xi pfurhaka. Ina, nkulukumba. I Xikwembu lexi xi ti endleke nyama. Ku nga ri munhu wa vunharhu; Munhu a ri un've eka hofisi yo hambana. Ku nga ri swikwembu swinharhu; tihofisi tinarhu ta Xikwembu xin've. Hi ku hetiseka.

<sup>96</sup> Makahle, sweswi, Matsalwa. Minkarhi hinkwayo, loko Xikwembu xi nyika, Xi nyika hi laha ku hetisekeke. Loko Xikwembu xi nyika ndlela eku tiyisa kereke ya Xona, Xi nyika hi ku hetiseka. Loko Xi nyika Adam na Evha, antangeni wa Eden, leswi a Xi va nyika swona akuri Rito ra Xona. "Loko mi tshama endzhaku ka Rito leri, mi ta hlayiseka. Kambe loko

mi huma eka Rona, siku mi dyaka mi ta fa.” Xikwembu a xi kalanga xi ncica maendlelo ya Xona. Na Sathana a nga ncicanga ya yena; leswi a nga nghenisa xiswona eka Adam na Evha, wa ha nghenisa xiswona nale ka vona namuntha. Hikokwalaho ka yini? Hi ku ringeta ku Ri anakanya. “Sweswi, swa twisiseka leswaku Xikwembu a xi nge swi endli. Oho, Xikwembu xi teri,” ku vule Sathana, “kambe hakunene Xikwembu xo hlawuleka xingaka xi nga swi endli leswi.” Hakunene Xi tano, hikuva Xi teri a Xi nge swi endli!

<sup>97</sup> Kutani sweswo hi leswi vanhu va swi vulaka namuntlha, “Oho, sweswi yimani! A mi pfumeli sweswi, loko ndzi ya ekerekeni ndzi hakela vukhume bya mina, kutani ndzi endla *leswi, swin'wana*, Xikwembu xi ya eku ndzi tsemeni?” Handle ka loko munhu atswariwa nakambe, a nge swi twisisi hambi kuri ku twisia Mfumo wa Xikwembu! Wa vona? A kuna chusi! “Kunene, mukhalabya wa xisiwana, mukhegula wa xisiwana, kuna moya wa kahle wo dyuhala.” Ndlela yin’we ntsena leyi va nga vonaka Xikwembu, i ku tswariwa nakambe. Sweswo swihelerile. A ndzi na mhaka leswaku u ntsongo njhani, u lonkulu njhani, u xihlangi njhani, va endlile yini, va yile ka ngani ekerekeni, i tikereke tingani ta mavito va ti tivaka, i tidyondzo tingani to hambuka va nga tibumabumela. U fanele ku tswariwa ra vumbirhi kumbe u va u nga ri kona nale ka masungulo, ku sungula. Sweswo hi swona.

<sup>98</sup> Swingaleswi, maswivona, mi lava Mufambisi. U ta mi fambisa eMintiyisweni, kutani Ntiyiso i Rito. U ta mifambisa. Switano minkarhi hinkwayo. Xikwembu a xi ncinci nchumu, hikuva hi lexi Xi nga riki ni makumu kutani Xi tiva leswi nga kahle. Hi lexi Xi nga kona, hi lexi Xi nga na vutlhарhi hinkwabyo, hi Xona—hi Xona *swin'wana* ni *swin'wana*. Xi lulamile, xi tano Xikwembu, swingaleswi a Xi fanelanga ku ncincea. Swikahle hinkwaswo.

<sup>99</sup> Hi Xona Mutiyisisi wa ndlela leyi Xi mi fambisaka ha yona. Moya wo Kwetsima, Mufambisi, i Mutiyisisi wa Rito rin’we leru Xi ri dyondzisaka. Sweswi, Luka u fambisiwile hi Mufambisi, ku vula leswaku, “Fambani emisaveni hinkwayo, mi ya chumayila Evhangeri eka xivumbiwa *xin'wana* ni *swin'wana*. Loyi a nga ta pfumela kutani a khuvuriwa u ta ponisiwa, loyi a nga taka a nga pfumeri u ta avanyisiwa. Kutani mahlori lawa ma ta endliliwa hi lava va pfumelaka; hi Vito ra Mina va ta hlongola madimona, va vulavula hi tindzimi letintshwa, va ta khoma tinyoka, va ta nwa leswi swi dlayaka, va ta tlhandleka mavoko eka lava va vabyaka kutani va ta hola.” Kutani Bibebe yi vule leswaku, “Va yile emahlweni hinkwako,” va fambisiwa hi Mufambisi, maswitiva, “va chumayela Rito, ni mahlori ya landzela.” Xana a kuri yini? Mufambisi u fanele a tiyisa vumbhoni leswaku Sweswo i Ntiyiso!

<sup>100</sup> Wa lowo hi wona nawu wa Xikwembu. Yaleyo hi yona ndlela leyi yi nga vekiwa ehansi. Walowo i nongonoko wa Xona; Xi ngaka xi nga swi ncinci, hikuva hi lexi Xi nga riki na makumu. Amen. Xi ngaka xi nga ncinci eka swona; hi Xona Xikwembu. Ndzi nga ha ncinka; ndzi munhu. U nga ha ncinka; i wanuna kumbe wansati. Kambe Xikwembu xi nga ka xi nga ncinci. Ndzi loyi a nga ni makumu; ndzi nga endla swihoxo ni ku vula swilo leswi nga hoxeka, hinkwerhu ka hina hi nga swi endla. Kambe Xikwembu a xi nge swi endli, xi tlhela xi va Xikwembu. Ku anakanya ka Xona ko sungula ku hetisekile. Hi ndlela leyi Xikwembu xi endlisaka xiswona eka xivono, yaleyo hi yona ndlela leyi Xi nga ta endlisa xiswona nkarhi hinkwawo. Loko Xi vitana eka xivono ku ta ponisa mudyohi, Xi n'wi ponisa etshakwini ra nchumu wu ri wun'we. Nkarhi lowu wu taka mudyohi a ta, Xi fanele ku endla hi maendlelo man'we, kumbe Xi endlile xihoxo loko Xi tava xi endlile ro sungula. Amen. Ndza Xi rhandza. Ndza switiva i Ntiyiso.

<sup>101</sup> Ndzi na makume ntlhanu-nharhu wa malembe hi vukhale, ndzi ri karhi ndzi chumayela Evhangeli lahawani ku ringana makume nharhu-nharhu ni hafu wa malembe, a ndzi kalanga ndzi Ri vona ri tsandzeka. Ndzi Ri vonile ri ringetiwa ka nkombo ku rhendzeleka hi misava, eka tinxaka hinkwato ta vukhongeri ni swin'wana ni swin'wana, emahlweni ka vunyingi tani hi hafu ya miliyon i hi nkarhi wun'we, kutani a Ri kalanga ri tsandzeka. A ndzi vulavuli hi buku yin'wana, ndzi vulavula hi ntokoto wa vumunhu, leswaku ndza swi tiva leswaku Xikwembu xi yima endzhaku ka Rito ra Xona xi Ri xixima. Sweswi, loko u ri ni muxaka wun'wana wa dyondzo yo hambuka, swa antswa u swi vona sweswo. Kambe Moya wo Kwetsima wu ta tiyisa Rito ra Xikwembu.

<sup>102</sup> Eka Mukwetsimi Yohana, papila ra vu1 na vhese ya vu1, u teri, "Hi Yena Rito. Hi Yena Mufambisi. Ekusunguleni akuri ni Rito, Rito ari ri na Xikwembu, kutani Rito a xi ri Xikwembu. Kutani Rito ri endliwile nyama ri tshama exikarhini ka hina." Mina!

<sup>103</sup> Petro u fambisiwile eku vuleni ka leswi, eka Mintirho 2:38, leswi Moya wo Kwetsima wu kumisiwaka xiswona, u teri, "Hundzukani, un'wana ni un'wana wa n'wina, mi khuvuriwa hi Vito ra Yesu Kreste leswaku mi ta rivaleriwa swidyoho swa n'wina, kutani Mufambisi u ta mi teka kusuka kwalaho ku ya emahlweni." Ina, walowo i nchumu lowu mi nga ta wu endla. Xosungula, hundzukani eka vudyoho bya n'wina, ku ka mi nga pfumeri, leswaku a mi pfumelanga swilo leswi. Hundzukani, kutani mi khuvuriwa, kutani Mufambisi u ta mi teka kusuka kwalaho niku ya emahlweni. Wa vona, walowo i nfanelo wa n'wina. I nfanelo ya n'wina ku hundzuka. I nfanelo ya n'wina ku khuvuriwa. Swingaleswi i nfanelo ya mufambisi ku mi teka a ya na n'wina emahlweni, a mi fambisa kusuka eka vunene,

ku ya eka vutivi, kuya eka ku tikhoma, eka ku tiyisela, eka vukwembu, nile ka rirhandzu ra vumakwerhu, kutani Moya wo Kwetsima wu milemela. Wa vona? Hiloko u va xifaniso lexi hetisekeke xa Xikwembu, wanuna la hetisekeke wa Xikwembu, wansati la hetisekeke wa Xikwembu, ku nghena a famba na Kreste. Ndza swi rhandza sweswo, ku nghena kwaloko u famba na Kreste.

<sup>104</sup> Ina, Marka u fambisiwile hi Moya wo Kwetsima, ku tsala Marka 16, hakunene.

<sup>105</sup> Yohana u fambisiwile loko a tsala Nhlavutelo. U fambisiwile hi Mufambisi. Nakambe u fambisiwile hi Mufambisi ku vula leswaku, “Loyi a nga ta susa Rito rin’we eka Rona, kumbe ku engetela rito rin’we eka Rona, xiphemu xa yena, xi ta susiwa hi ndlela ya leyo, eka Buku ya Vutomi.”

<sup>106</sup> Sweswi, u ta susa njhani swin’wana eka Rito ra Xikwembu, hambi swi ri tano u va wa ha vula leswaku wa ha fambisiwa hi Moya wo Kwetsima? A swi twali, swa twala xana? Ee, nkulukumba. A swi tano.

<sup>107</sup> U vile Mufambisi wa mina evuton’wini bya mina. U ndzi fambisile eVuton’wini. Hi Un’wana loyi a ndzi fambiseke ku ya eka Vutomi, kutani hi Yena Vutomi bya mina. Loko ndzi nga ri na Yena a ndzi na Vutomi. Loko ndzi nga ri na Yena a ndzi lavi nchumu. Hi Yena Hinkwaswo eka Hinkwaswo. Eka tiawara ta makhombo, Wa ndzi seketela. Tolo U ndzi katekisile, namuntlha va ha endla swo fana. Xana ndzi nga langutela yini xana? Loyi a nga la a nga heriki, a ku dzunisiwi Vito ra Yena! Amen. Ina, nkulukumba. U swi tshembhisile. U ta swi endla. Hi Yena Vutomi bya mina, hi Yena Mufambisi wa mina, Hinkwaswo eka Hinkwaswo. Ndzi N’wi tshembhile. Ndzi vile ni miringo yo tika. Ndza N’wi tshembha hinkwako laha ndzi yaka kona. Ndzi milava mi swi endla. Loko mi ya eku hlantsweni, n’wina vavasati, N’wi tshembheni. Loko mi ya edorobeni, N’wi tshembheni.

<sup>108</sup> Ndzi vile na kona nkarhi wun’wana loko ndzi ehleketa leswaku ndzi muxaka wa munhu wa nhova, maswitiva, ndzi hlote ngopfu. Ndzi ehleketa, “Ndzo va ntseña xikombiso xa ntlunya, ku hava munhu loyi a nga... Mi ngaka mi nga ndzi tshiki. Manana wa mina ari xiphemu xa Mukula, kutani ndza swi rhandza sweswo. Oho, mina! Mi ngaka mi nga ndzi tshiki enhoveni, ndzi tiva laha ndzi nga kona.”

<sup>109</sup> Ni kusuka eka hanimuni ya mina, ndzi muxaka wun’wana wo tlharihela nyana eka nsati, ndzi n’wi byela leswaku, “Wa tiva, murhandziwa, swi tava swi ri kahle eka hina kuva hi tekana hi Nhlangula hi makume mbirhi-nharhu.” Xivangelo, hi leswaku Hosi yi ndzi byerile ku swi endla.

<sup>110</sup> Hiloko ndzi ehleketa, “Sweswi, eka hanimuni nyana swintsongo, ndzi hlayisile nyana mali ya mina, kutani ndzi

ta n'wi teka hi ya eNiagara Falls, hi ya eka Adirondack ku ya hlota nyana swintsongo.” Wa vona? Kutani hiloko ndzi n'wi teka na Billy, a xa hari xihlangi nyana lexi ntsongo. Swingaleswi a ndzi fanele ku yisa wansati eka hanimuni, kutani akuri eka rendzo ro hlota, na rona, maswitiva. Swingaleswi—swingaleswi ndzi ehleketa leswaku walowo akuri nchumu wa kahle ku wu endla. Kutani ndzi n'wi tekile, kutani...

<sup>111</sup> Ndzi tsalerile Nkul. Denton, rhenja. Kutani a hi ya eku gonyeni ka Hurricane Mountain. Hiloko ndzi ku, “Nkul. Denton, ndza gonya, ndzi lava ku hlota berhe na wena eka riwa leri.”

<sup>112</sup> Hiloko a ku, “Hi swona, Billy, a hi fambi swin’we.” Hiloko a ku, “Ndzi tava ehenhla lahaya eka siku rin’wana.” Kunene, mina na nsati hi kumekile kwalahaya kahari mixo, na Billy, kutani mukhukhu a wu khiyiwile. Kutani lahaya a kuri ni ku tiseketela nyana endzhaku ekhwatini.

<sup>113</sup> Laha, Makwerhu Fred Sothmann na mina hi nga famba nyana hi ya yima lahaya. Moya wo Kwetsima, ndzi N’wi vonile a yimile lahaya, Rivoni lero ra xitshopani ri jika-jika ku rhendzeleka hi nhova, kutani Fred a yimile lahaya. A ku, “Tana hi le tlhelo, Ndzi lava ku vulavula na wena. Mundzuku,” A ku, “u xalamuka, va ku vekele xirimbana.” Aku, “U xalamuka!” A hi swona sweswo, Makwerhu Fred? Kutani ndzi yile ndzi ya byela madzana ya vanhu vusiku byebyo, eVermont, ndzi ku “Kuna xirimbana xi nga vekeriwa mina; ndzi ya eku xivoneni. A ndzi ku tivi laha xi nga kona.” Kutani hi vusiku lebyi a byi landzela, lahaya xi ta, lahaya xi kona. A ku, “Hi lexi xi rimbana lexi xi nga vekiwa.” Ina, nkulukumba. Kambe Moya wo Kwetsima wu ndzi fambisa eka leswi ndzi nga ta swi endla. Kutani, oho, mina, sweswo ntsena swi kahle! Oho, votala va n’wina ma swi tiva leswi a swi ri xiswona. A ndzi na nkarhi wo swi vula.

<sup>114</sup> Kambe ku yima kwalahaya endhawini hi nkarhi walowo, hiloko ku sungula ku titimela hi siku lero. Nkul. Denton ata a vuya hi siku leri ari landzela, ndzi ku, “Wa tiva, murhandziwa, swi tava kahle loko ndzi nga—nga khoma mhalamhala leyikulu hi famba na yona ekaya.” Ndzi ku, “Hi swi endlile...a ndzi fanele ndzi hlayisa mapeni lawa, kutani hi tekana.” Hiloko ndzi ku, “Hi ta kuma nyama ya xixika loko ndzi nga kota ku hlota nyana namuntlha.”

<sup>115</sup> Hiloko a ku, “Kunene, yana emahlweni, Billy.” A ku, “Sweswi, wa tsundzuka, a ndzi se tshama ndzi va eka khwati leri,” ku vula wansati. Ari kwalomu ka makume mbirhintlhanu wa timayile ehenhla etintshaveni, maswitiva, hiloko aku, “A ndzi tivi nchumu hi leswi.” Hiloko wansati a ku, “swingaleswi ndzi...”

<sup>116</sup> Hiloko ndzi ku, “Kunene, sweswi, wa tsundzuka, i malembe ya mbirhi lawa ya hundzeke ndzi nga dlaya tiberhe ti nharhu. Kwalaho a kuri lahaya endzhaku ehenhla ka ntshava lahaya.” Hi loko ndzi ku, “Sweswi, ndzi ta kuma mhalamhala leyikulu nakona hi ta kuma berhe yi n’wana,” hiloko ndzi ku, “sweswi hi tava ni nyama ya xixika.” Kunene, sweswo swi twakala swi sasekile ngopfu, maswitiva. (Kutani hi khelerile tichuguru ta hina, kutani hi kuma makala eka—eka xixika xexo; kutani Billy u ti xavisile, kutani mina na Meda hi ti khile ni madyambu endzhaku ka loko ndzi tava ndzi rhendzelekile.) Swingaleswi ndzi—ndzi ku, “Kunene, ndzi ya eku tekemi xibalesa xa mina, ndzi ya ehansi lahaya.” Ndzi ku, “Kuna tindakazi to tala lahawani, ndzi ta kuma yin’we.” Kutani ndzi ku, “Wa tiva,” ndzi ku, “swingaleswi ndzi ta yi kuma.” Kutani ndzi ku, “Hi ta . . . ndzi ta vuya endzhaku nyana.”

A ku, “Swilulamile.”

<sup>117</sup> Swingaleswi, loko ndzi tava ndzi sungurile, a kuri maendlelo man’wana yale hansi. Kutani van’wana va n’wina vanhu va New Hampshire, nale hanhla eNew England, maswitiva leswi swi vulaka swona loko nkungwa wu xikela ehansi, kumbe kun’wana etintshaveni, a miswi tivi leswaku mile kwihi. Sweswo hi swona hinkwaswo. A wu nge ri voni voko leri nga emahlweni ka wena. Swingaleswi ndzi sungurile ehansi eka—eka ku chotela nyana, tani hi sweswo, ndzi ehlela ehansi, kutani ndzi ya emahlweni ku tsemakanya xiganga ndzi gonya. Kutani ndzi xiyisisile yingwe, mi yi vitanisa xiswona lahawani eka xiphemu lexi xa tiko. Hi yi vitana leswaku i, eVupela-dyambu, khoga. Va yi vitanisa xiswona, ehenhla lahaya, nghala ya le ntshaveni. Ka hari xiharhi lexi xi fanaka. I phuma, hi ntiyiso hi leswi yi nga xiswona. Ximanga lexi xi fanaka, kwalomu ka minkondzo ya nkaye hi ku leha, yi tika kwalomu ka dzana na makume-ntlhanu, madzana mambirhi ya tipondho. U tsemakanyile patu, kutani ndzi khoma xibalesa hi ku hatlisa ka mampela, ku ngari hi xihatla ngopfu ku va ndzi n’wi balesela.

<sup>118</sup> Kunene, ndzi rhetemukile ndzi ya exigangeni, ku chavisa khoga ley, ndzi ri karhi ndzi languta matluka laha a nga famba kona, maswitiva. A ndzi n’wi twa. A ri eka tifiti ta mune. Ndza swi tiva a hi xiharhi lexi nga na minkondzo mi mbirhi, minkondzo ya mune ya xona. Kutani ndzi swi tivile leswaku a ku nga ri ndakazi, hikuva ndakazi a yi khomeleli. Kutani a yi ta rheta yi rhelela hi ku olova, ximanga, maswitiva, tani hi sweswo. Kutani berhe yi vumbulukisa milenge ya yona loko yi famba. Kutani ndzi swi tivile leswaku akuri khoga. Kutani ari etlhelo ka ntsandza nakona a ndzi kalanga ndzi n’wi vona, ku kondza ndzi vona ku hatima ka yena, a fambile.

<sup>119</sup> Kutani ndzi hlalela hi ndlela ley a nga kavanyetaka ha yona matluka, maswitiva, ehenhla ka ntshava, nile hansi

tani hi leswi, kutani a ndzi nga ri eku hlaleleni ka papa lero leri a rita nkarhi hinkwawo, maswitiva, kuta nkungwa. Ndzi rheterile ehansi, ndzi ya ehansi niku ya ehansi eka Swihontlovila, ndzi landzelela khoga leyi. Ndzi ehleketa, “Ndzi ta n’wi khoma endzhaku nyana.” Ndzi ta vona ndzhawu, hi loko ndzi tsutsumela endzhawini ya le henhla, kutani ndzi halahala hinkwako tani hi sweswo, niku hlometela hinkwako, ku vona loko ndzi nga kota ku n’wi vona; ndzi yingisela hi vurhon’wana, ndzi ya ehansi, ndzi rhelela nakambe. U nga ha twa chovo ri phumundha-phumundha, hi ndlela leyi nga kongomana na mina, tani hi loko a huma. Wa vona, a ri eku beni ka mirhi swingaleswi a ndzi nga ta kota ku n’wi landzelela hi minkondzo. Wa vona, a ri kahle, a gonya mirhi a tlula kusuka eka murhi wun’wana ku ya eka wun’wana. Kutani u swi tivile leswaku a ndzi nge n’wi landzeleli hi minkondzo lahaya. Oho, ndzi ehleketa, “Oho, hi ndlela yin’wana!”

<sup>120</sup> Kutani ndzi sungurile endzhaku ehenhla egojini ro enta, kutani ndzi nuhwetela berhe, berhe ya xinuna ya khale. Ndzi ehleketa, “Ndzi ta n’wi kuma sweswi, m’fana, yaloye i kahle!” Ndzi nuhwetela nakambe, kutani ndzi ya emahlweni nyana, kutani ndzi vona tinxaka hinkwato ta tisayini ni swin’wana ni swin’wana. A ndzi nga koti ku vona nchumu; ndzi tlhelela endzhaku ehansi, kutani ndzi ya ehansi endzhaku eka tlhelo lerin’wana ra ntshava. Kutani ndzi sungurile ku tekela enhlokweni, kuva na nkungwa nyana. Kutani ndzi nuhwetela nakambe, a ri emoyeni kun’wana. Ndzi ku, “Ee. Sweswi, ku humelela yini, moya a wu ta hi ndlela *leyi*, kutani ndzi tile... Ku hefemula ka berhe loku a kuta ku huma ehansi lahawani hi ndlela ya *leyo*, kutani ndzi tsemakanyile kutani moya a wu ta wu huma eka tlhelo lerin’wana. Kutani a ndzi fanele ku tlhelela endzhaku laha ndzi nga twa ku nuhwa ka berhe ro sungula, kutani ndzi ku teka kusuka kwalahaya.”

<sup>121</sup> Kutani endleleni ya mina yo tlhelela endzhaku, ndzi langutile ku tsemekanya goji, ndzi vonile swiwlahlha swi ninginika. Kutani loko ndzi swi vonile, xin’wana xa ntima xi famba-famba. Ndzi ehleketa, “Lahaya u kona.” Ndzi cukumetile xikhamba eka xibalesa, hi xihatla, ndzi yima ndzi nga ninginiki. Kutani, loko yi endlile, akuri mhalamhala leyikulu ngopfu, leyikulu swinene. Ndzi ehleketa, “Yaley ntsena hi yona leyi a ndzi ri eku yi laveni, hi ndlela yin’wana.” Ndzi yi duvula.

<sup>122</sup> Ndzi ehleketa, “Kunene!” A ndzi kalanga ndzi swi xiyisia leswaku akuri muxaka wa...Hi nkari lowu a ndzi n’wi lunghesela, ndzi languta...ndzi basisa mavoko ya mina niku lunghisa mukwana, ndzi wu veka. Kutani ndzi ehleketa, “A ku dzunisiwi Xikwembu! Ndza ku nkhensa, Hosi Yesu, U ndzi nyikile nyama ya xixika. A ku dzunisiwi Xikwembu!” Kutani ndzi khoma xibalesa xa mina. Ndzi ehleketa, “Ndzi ta tlhelela

endzhaku egoveni lahawani sweswi.” Ndzi ku, “Languta haleno, m’fana, bubutsa ri ta. Swa antswa ndzi huma lahawani ndzi tlhelela endzhaku eka Meda na vona.” Ndzi ku, “Ndzi fanele ku hatlisa.”

<sup>123</sup> Egoveni ndzi yile, ndzi kunupeta khanchu ya mina leyikulu yo tshwuka, kutani ndzi tsutsumela egoveni tani hi leswi, ku rhendzeleka. Nchumu wo sungula mi wu tivaka, ndzi ehleketa, “Wa mina, xana ni jike kwihi?” Moya seni a wuri ehansi, mirhi yi phokotela kun’we. Ndzi ehleketa, “Xana ndzi jike kwihi?” Ndzi jika-jika. A—a ndzi swi tivi leswaku a ndzi famba ku kongomana na Hurricane Mountain. Kambe ndzi kumekile ndzi yimile, kutani a ndzi ri eku julukeni, ndzi ehleketa, “Xana ku humelela yini lahawani? A ndzi fambile hafu ya awara, kumbe tikota tinhharhu, kutani ndzi nga yi kumi ndhawu yaleyo laha ndzi nga jika kona.” Ndzi languta ehenhla, kutani lahaya ku nembelela ndakazi ya mina. A ndza hari endhawini yin’we. Ndzi ehleketa, “Kunene, xana ndzi nga endla yini?”

<sup>124</sup> Kunene, ndzi suka nakambe. Ndzi ehleketa, “Ndzi ta swi endla eka lowu nkarhi, ntsena a ndzi nga ri eku swi xiyisiseni.” A ndzi hlalela ku famba-famba kun’wana ni kun’wana hinkwako, ndzi hlalela. Ndzi tshamela ro lava, ku lava, ku lava. Mapapa ya vona ma ta, a ndzi swi tiva leswaku bubutsa ra gamboko ri le ndleleni, nkungwa a wu nembelela ehansi, kutani ndzi sungurile ku lemuka. Ndzi ehleketa, “Ndzi taya emahlweni nyana,” ku ya emahlweni, emahlweni, emahlweni, emahlweni, emahlweni, emahlweni, emahlweni. Kutani ndzi ehleketa, “Kunene, leswi swa chavisa, swi languteka tani hiloko ndzi tshame ndzi yi vona ndhawu leyi eku sunguleni.” Kutani ndzi langutile, kutani lahaya ku nembelela ndakazi ya mina. Wa vona?

<sup>125</sup> Maswitiva leswaku a ndzi ri kwihi? Makula ma ku vitana leswaku hi laha ku “fambaka rifu.” Wa vona, u le ku fambeni eka xirhendzevutani, hi ku rhendzeleka hi ku rhendzeleka. Kunene, a ndzi ehleketa leswaku a ndzi ri mufambisi wa kahle ngopfu loyi a nga tshama a lahleka. Wa vona, akuri hava lexi u nga ndzi byelaka hi nhova, a ndzi tiva ndlela ya mina hinkwayo. Wa vona?

<sup>126</sup> Hiloko ndzi suka nakambe. Ndzi ku, “A ndzi nge he pfuki ndzi endlile xihoxo lexi nakambe.” Hiloko ndzi vuya nakambe.

<sup>127</sup> Ndzi ya egoveni swintsongo nyana, kutani wu sungurile ku hunga. Oho, mina, gamboko hinkwako! Hakanyingi akuva na xinyami. Kutani a ndzi switiva leswaku Meda anga fa vusiku byebyo emananga, a nga switivi leswaku a nga tihlayisisa njhani yena hi yexe. Kutani Billy ari kwalomu ka mune wa malembe hi vukhale, malembe manharhu hi vukhale, ntsena xifanyetani lexintsongo. Hiloko ndzi ehleketa, “Xana va ta endla yini?” Kunene, ndzi vuye ndzi yima eka vukulu lebyi

kutani ndzi ba bede yin'wana ya ximilani xa moss, ndzi ehleketa, "Ndzi le rivaleni kun'wana, kutani a ndzi nga koti ku vona nchumu, hinkwako akuri ni nkungwa." A ndzi ya eku rhendzelekeni sweswi.

<sup>128</sup> Hintolovel, ndzi ti kumela ndzhawu yo yima kona, loko ndzi ri na un'wana. Ndzi ta yima ndzi rindzela ku fikela laha bubutsa ri helaka, siku kumbe mambirhi, kutani ndzi huma. Ndzi tsema xiphemu xa mina xa ndakazi... enhlanini wa mina, ndzi ya emahlweni, ndzi dya, ndzi rivala ha swona. Kambe a wu nga swi endli sweswo, kutani nsati wa wena na n'wana va pavalarile lahaya enhoveni, va lovisiwa. Wa vona?

<sup>129</sup> Hiloko ndzi sungula ku ehleketa, "Xana ndzi nga endla yini?" Kutani ndzi yile emahlweni nyana. Hiloko ndzi ehleketa, "Sweswi, yima. Loko ndzi tsemakanya xiganga xexo xo sungula, moya awuri exikandzeni xa mina, swinga leswi a ndzi boheka kuta hi ndlela leyi. A ndzi fanela kuta hi ndlela leyi." Kutani a ndzi pepetseka hi ndlela leyi ehansi eka Swihontlovila, kambe a ndzi kutivanga laha a ndzi ri kona. Ndzi ku, "Oho!" Ndzi sungula ku rhurhumela. Ndzi ehleketa, "Yima nyana minete, Bill, awu lahlekanga," kuringeta kuva ni hefemuteka hi yumina. U nga ka u nga swi pfurheteli. Ee, ee. Ripfalo lero rale ndzeni ra ku byela leswaku u hoxile.

<sup>130</sup> Oho, u—u ringeta ku vula leswi, "Oho, ndzi ponisiwile, ndzi ya ekerekeni." U nga vileli, u rindzela ku fikela laha bede ya leyo ya rifu yi fika, kutani u ta swi tiva leswaku swihambanile. Ripfalo ra wena ra ku byela. Swin'wana leswi swi nga endzeni ka wena swa ku byela leswaku u hoxile. Wa vona? Wa switiva loko u fa u ngaka u nga hlangani na Xikwembu lexi xi kwetsimaka. Tani hi laha hi Xi voneke madyambu ya tolo, hambi kuri Tintsumi to kwetsima a ti fanele kuti funengeta swikandza swa tona ku yima emahlweni ka Xona. Xana hi ya yima njhani ehandle ka Ngati ya Yesu Kreste ku mifenengeta xana?

<sup>131</sup> Ndzi ehleketa, "Oho, ndzi ta swi endla." Ndzi sungurile. Kutani ndzi kuma leswaku a ndzi tshamela ku twa Swin'wana. Hiloko ndzi sungula ku rhurhumela. Ndzi ehleketa, "Sweswi, loko ndzi endla sweswo, ndzi ya va swiphemu-phemu." Sweswo hi ntolovel munhu loyi a lahlekeke wa swi endla, u va swiphemu-phemu enhoveni. Kutani u ta teka xibalesa xa yena, a ti balesela; kumbe a wela egojini a tshoveka nenge wa yena, kutani a pavalala kwalahaya, u ta fela kwalahaya. Hiloko ndzi ehleketa, "Xana ndzi ya ndzi ya endla yini?" Hiloko ndzi sungula ku famba ndzi ya emahlweni.

<sup>132</sup> Kutani a ndzi tshamela ro twa Swin'wana swi ku, "Ndzi tshama ndzi ri kona ku Pfuna hi nkarhi wa makhombo." Kutani a ndzi tshamela ro ya emhlweni no famba.

<sup>133</sup> Ndzi ehleketa, "Sweswi, ndza swi tiva ndza huma nyana sweswi, ndzi twa rito ri vulavula na mina." A ndzi tshamela ro

ya emahlweni. Ndzi fambile, “whew, whew, whew,” ndzi chaya khwela, maswitiva. Ndzi ehleketa, “Sweswi, a ndzi lahlekanga. Wa ku tiva laha u nga kona, m’fana! Xana ku humeleta yini hi wena? U nga ka u nga lahleki. U—u kahle ngopfu ku va muhloti, u nga ka u nga lahleki.” Ku ti ndhundhuzela, maswitiva, ku ti endla ndzi hefemuteka hi vu mina.

<sup>134</sup> U nga ka u nga swi pfurheteli. Hi ndlela yo ya ehansi *lahawani* ku na vhilwa leri ri nga eku jikajikeni, riku, “M’fana, u lahlekile na kona wa swi tiva leswaku u tano. Wa vona, u lahlekile.”

<sup>135</sup> A ndzi tshamela ro ya emahlweni. “Oho, a ndzi lahlekanga! Ndzi tava kahle. Ndzi ta kuma ndlela ya mina yo huma.” Swilo swi sungula ku languteka swi hlekisa, moyo wu hela. Gamboko yi sungula ku haha, gamboko nyana yo basa ehansi, hi yi vitana “ku phuphutela kale hansi.” Kutani ndzi ehleketa hi, “Nsati na n’wana! A ndzi . . .” Ndzi ehleketa, “Oho, mina!”

<sup>136</sup> Hi ku kongoma ndzi twile Sweswo nakambe, ku ku, “Ndzi Mupfuni la nga kona hi nkarhi wa khombo.” Nakona a ndzi ri muvuri wa Evhangeli hi nkarhi wa lowo, a ndzi chumayela kona kwala etabernakeleni.

<sup>137</sup> Hiloko ndzi ehleketa, “Kunene, xana ndzi nga endla yini?” Ndzi yimile, ndzi languta hinkwako, kutani a ku ri na nkungwa ehansi. Ndzi . . . Walowo a kuri wona. Kuhava lexi xi nga endliwaka. Ndzi ehleketa, “Oho, xana ndzi nga endla yini?” Ndzi ehleketa, “Nkulukumba, a ndzi faneriwanga hi ku hanya, ndzi vile ni ku titshembha ngopfu. A ndzi ehleketa leswaku ndzi muhloti, kambe a ndzi yena.”

<sup>138</sup> Kutani, makwerhu, minkarhi hikwayo a ndzi tshembela eka Yena. Hi ku balesela, ndzi ni tirhikhodo ehenhla lahaya. Ni ku va muphasi wa tinhlapfi, ndzi un’wana wa xisiswana, kambe minkarhi hinkwayo ndzi tshembhela eka Yena. Ku balesela, ndzi mubaleseli wa xisiswana, kambe U ndzi pfumelerile leswaku ndzi va ni tirhikhodo ta misava eka swona. Wa vona? Ku balesela ndakazi, nkombo, nhungu wa madzana wa majorata. Ku va na xibalesa ehenhla lahaya ndzi dlayile makume nharhu-ntlhanu wa swiharhi ndzi nga hupi loko ndzi swi balesela. Ntsena swi hlayi sweswo kun’wana ni kun’wana, loko u swi kota. Wa vona? Kungari mina, hi Yena. Ndzi N’wi tshembhile.

Kwalahaya a ndzi ri kona, ndzi ehleketa, “Xana ndzi nga endla yini? Xana ndzi nga endla yini?”

<sup>139</sup> Ndzi tshamela ro . . . Sweswo swi tshunela, niku tshunela, “Ndzi kona ku Pfuna hi nkarhi wa khombo, langa kona ku Pfuna.”

<sup>140</sup> Ndzi ehleketa, “Hi xona xexo Xikwembu xi vulavulaka na mina xana?” Ndzi hluvula xihuku xa mina. A ndzi ri na

xihuku xo patirola hi xona, xi tsondzeriwile hi xidukwana xo tshwuka. Ndzi xi veka ehansi. Ndzi hluvula khanchu ya mina, aku tsakama. Kutani ndzi veka khancu wa mina ehansi, ndzi khegeterisa xibalesa xa mina na murhi. Ndzi ku, "Tatana wale Matilweni, sweswi ndza ti tshuneta eku suhi ni vumina, ndzi le ku tweni ka rito ri vulavula na mina. Xana hi Wena ke?" Ndzi ku, "Hosi, ndzi ya eku amukeleni eka Wena leswaku a ndzi muhloti. A ndzi yena, a—a ndzi nge swikoti ku kuma ndlela ya mina yo huma. U fanele ku ndzi pfuna. A ndzi faneriwanga hiku hanya, niku endla swilo leswi ndzi nga swi endla, kuta lahawani niku ehleketa leswaku ndzi tiva ngopfu ha swona kuva ndzi lahleka. Ndzi lava Wena, Hosi. Nsati wa mina i wansati wa kahle. N'wana wa mina, xijahetani lexintsongo, mhani wa yena u fambile, kutani ule ku ringetenka kuva manana eka yena, kutani ntsena ndzi n'wi tekile. Kutani hiloyi lahawani, xihlangi, lahaya enhoveni, havumbirhi va ta fa vusiku lebyi. Moya walowo, wu taya ehansi kwalomu ka khume ehansi ka zero, kutani a va nge switivi leswaku va nga hanyisa ku yini. Va ta fa vusiku bya namuntlha. U nga va tshiki va fa, Xikwembu. Ndzi yisi eka vona, leswaku ndzi nga ha va vona leswaku ava fi. Ndzi lahlekile! Ndzi lahlekile, Xikwembu! A—a ndzi nga yi kumi ndlela ya mina. Xana A wu nge ndzi pfuni? Ni ku ndzi rivalela, nikuva ndzi tiveka endleleni yale xikarhi mina hi ndzexe! A ndzi nge endli nchumu loko ndzi nga ri na Wena, U Mufambisi wa mina. Ndzi pfuni, Hosi."

<sup>141</sup> Ndzi yimile, kutani ndzi ku, "Amen." Ndzi teka xidukwani xa mina; khanchu ya mina, ndzi wu teka; ndzi ambala xihuku; ndzi teka xibalesa xa mina. Ndzi ku, "Sweswi ndzi ta ti lulamisa mina hi ndzexe hi ndlela ya kahle ngopfu leyi ndzi yi tivaka leswaku yi fambisa ku yini, hi matwisiselo mo antswa ya mina; kutani ndzi ta famba hiku lulama hi ndlela yin'we, hikuva ndzi le ku fambeni eka xirhendzevutani kun'wanyana, a ndzi tivi leswaku kwihi. Kambe ndzi ta famba hi ndlela leyi U nga ta ndzi byerisa xiswona, Hosi Xikwembu, Mufambisi wa mina."

<sup>142</sup> Ndzi sungurile ku famba hi ndlela *leyi*. Ndzi ku, "Leswi hi swona, kutani ndzi fanelia ndzi swi pfumela hi vumina. Ndzi famba hi ndlela *leyi*. Ndzi famba hi kululama hi ndlela *leyi*. A ndzi nge ncinci, ndzi famba hi ndlela *leyi*. Ndza switiva ndzi na ntiiyiso. Ndzi famba hi ndlela *leyi*." Loko ndzi fambe hi ndlela yaleyo, a ndzi tava ndzi kongomile eCanada. Wa vona?

<sup>143</sup> Kwalaho ndzi twa Swin'wana swi ndzi khoma makatla, voko, a ri twala tani hi voko ra munhu, hi xihatla ndzi hundzulukile ku ta vona. A kuri hava munhu loyi a yimile kwalaho. Ndzi ehleketa, "A kuri yini sweswo?" Lahawani hi leyi Bibele yi tshamile emahlweni ka mina. Xikwembu, Mufambisi wa mina ni Muavanyisi, u yimile kwalahawani. Ntsena ndzi langutile ehenhla. Nile ndzhaku hi ndlela *leyi*,

nkungwa walowo ntsena wu tlhelela endzhaku ku fikela laha ndzi kotaka ku vona khokholo ra Hurricane Mountain. Ndzi fambela ekule na rona, hiku antswa ka ku hlota ka vuswikoti bya mina, a ndzi fambela ekule na rona, ri ya ri pela swinene ni madyambu. Ndzi hundzulukile hi xihatla, ku va ndzi tikongomisa hi vumina tani hi *leswi*. Ndzi teka xihuku xa mina ni xi khoma ni yimisa mavoko ya mina, ndzi ku, “Ndzi fambisi kuya emahlweni, Xikwembu, hi Wena Mufambisi wa mina.”

<sup>144</sup> Ndzi sungurile. Ndzi fanele ndzi famba hiku lulama hi ku hefemuteka ni swin’wana ni swin’wana swi kumeka lahaya, endzhaku nale ndzhaku. Hiloko kuva ni xinyami. Tindakazi a ti tlulatlula emahlweni ka mina, ni swin’wana ni swin’wana. A ndzi nga ehleketi hi nchumu kambe kuva ndzi tshama eka ndlela yin’we hi vumina, ehenhla ka ntshava leyi.

<sup>145</sup> Kutani ndza swi tiva loko ndzi nga kota ku fika eka khokholo, Nkul. Denton na mina... mina hi pfunile ku vekela layini ehenhla ka xipiringi xexo. Hi vulavurile hi ntambhu ya thelefoni kusuka eHurricane Mountain, eka ndlela hinkwayo kuya ehansi kwalomu ka tinharhu na mune wa timayili, kuya ehansi ekhempeni. Kutani yi ya ehansi eka mintila yintsongo, kambe, gamboko kwalahaya, u ngaka u nga landzeleri hi minkondzo. Wa vona? Kutani moyo wu ba ni swin’wana ni swin’wana, akuri ni xinyami ni ku ba ka moyo wa gamboko, ni ku famba, a wu nga ta swikota ku hlamusela leswaku u le kwihi. Kunene, nchumu wun’we lowu a ndzi wu tiva ku wu endla, endzhaku ka loko kuri ni xinyami, kutani a ndzi nga switivi... A ndzi switiva leswaku ndzi famba hi ndlela yin’we, niku gonya ehenhla ka ntshava. Hikuva a ndzi fanele ku gonya ehenhla ka ntshava, kutani khokholo a yi tshamile emaninginingini ya ntshava, kutani a ndzi ri ni kwalomu ka ntsevu wa timayili ku yi fikeleta. Ntsena ehleketa, nkungwa walowo wu basa, timayili ta ntsevu, ntsena mbhovo wun’we, ku fikela laha ndzi nga yi vonaka!

<sup>146</sup> Hiloko ndzi—ndzi veka xibalesa xa mina eka voko *leri*, kutani ndzi tlakusela voko *leri* ehenhla, hikuva a ndzi tlhavile nta—nta ntambhu leyi eka mirhi tani hi yaleyo yi yaka ehansi, tintambhu ta thelefoni kuya eka mukhukhu, swingaleswi a nga swi kota ku vulavula na nsati wa yena, kutani a n’wi vitana a huma kwalahaya, kusuka entshaveni. Kutani a ndzi ya eku n’wi pfuneni ku teka eka riwa lero. Kutani a ndzi yimisile voko ra mina tani hi *leswi*, ndzi ku, “O Xikwembu, ndzi pfumeleli ndzi khoma layini ya leyo.” Ndzi famba, kutani voko ra mina ri va ni mbhonya, rikarhala, ndzi nga ha swikoti hiku tika ku yi khoma, kutani a ndzi fanela kuyi tshika yi wela ehansi. Kutani ndzi ncinka xibalesa ndzi xi vekisa xi *sweswo*; ndzi ba goza ndzi tlhelela endzhaku magoza yo nyawula nyana leswaku ndzi va ni ntiyiso leswaku ndzi nga yi tshiki, hiloko ndzi yimisela voko ra mina ehenhla, ndzi sungula ku famba, ndzi famba. Ri

pela, ku va ni xinyami, moya wu ba. Oho, ndzi ta khomelela xikundzu, ndzi ku, "Hi lexiya! Ee, xexo a hi xona." Oho, xi nyika... U nga xi pfumeleri ku nyika mpfumawulo lowu wu nga twisisekiki.

<sup>147</sup> Endzhaku nyana, loko ndza ha tilulamiserile ku tshika, voko ra mina ri ba swi n'wana. Oho, mina! Ndzi kumiwile, loko ndzi lahlekile. Ndzi khomelerile eka ntambhu ya leyo. Ndzi cukumetile xibalesa ehansi, ndzi hluvula xihuku xa mina, kutani ndzi yima lahaya. Ndzi ku, "O Xikwembu, xana i vutitwi byihi lebyi loko u kumiwile, loko u lahlekile." Ndzi ku, "Ku ya emakun'wini ya ntambhu, ndzi nga ka ndzi nga yi tshiki yi debya. Ndzi ta khomelela eka ntambhu ya ley. Yi ta ndzi fambisa ku kongomana ni laha hinkwaswo swa misava leswi swi ndzi rhandzaka swi nga kona, kona kwalahaya. Nsati wa mina na n'wana, ku nyuma, ndzi nga ku tivi laha ndzi nga kona, ndzi nga swikoti niku endla ndzilo, ndzi nga switivi leswaku ndzi nga endla yini, moya wu ri eku beni, swikundzu swi tshoveleleka swisuka emirhini." A ndzi nga ri boboyila ku va ndzi tipfumelerile ku famba hi ntambhu ya leyo. Ndzi khomelerile ntambhu ya leyo ku fikela laha yi ndzi fambisaka eka hinkwaswo leswi rhandzekaka swa misava swa mina.

<sup>148</sup> Walowo akuri ntokoto wo chavisa, ni ntokoto lowukulu ku va ndzi kuma ndlela yo huma, kambe kwalaho aku ngari xiphemu xa yona. Siku rin'wana a ndzi lahlekerile exidyoheni. Ndzi ya eka ley i kereke nile ka ley i kereke, ndzi ringeta ku kuma Swin'wana. Ndzi yile eka Seventh-day Adventists, va ndzi byerile leswaku, "Ndzi hlayisa Savata, tshika ku dya nyama." Ndzi yile emahlweni eka kereke ya Baptist, kereke yo sungula ya Baptist, aku, "Ntsena yima u va byela leswaku u pfumela eka Yesu Kreste N'wana wa Xikwembu, kutani ndzi ta ku khuvula, sweswo hi swona." A kuri hava nchumu. Kambe siku rin'wana, ehandle eka xindhawani xintsongo xa malahla, ndzi yimisile mavoko ya mina ehenhla, ndzi khomiwile hi Swin'wana; kumbe, ndzi nga ha vula leswi, Swin'wana swi ndzi khomile. A kuri ntla wa Vutomi, Mufambisi. Kutani U ndzi fambisile hiku hlayiseka eka vukule lebyi, ndzi ngaka ndzi nga tshiki Ntambhu ya leyo. Ndzi khomelerile hi mavoko ya mina eka Yena. Minge tidyondzo to hambuka, tidinominexini ti endla leswi ti swi lavaka, ndzi khomelerile eka Mufambisi. Hikuva hinkwaswo leswi swi nga emisaveni nile Matilweni, a swi vula swo saseka eka mina, swile makun'wini ya Layini. U ndzi tisile ndzi hlayisekile eka vukule lebyi, ndzi ta N'wi tshembha eka ndlela hinkwayo. "Loko Yena Moya wo Kwetsima a ta, U ta mifambisa niku mi yisa eka hinkwako..."

<sup>149</sup> Vanghana, U ndzi tisile laha ndzi nga kona namuntlha. U ndzi endlile leswi ndzi nga xiswona. Hi ku tsaka ndzi nga N'wi tivisa eka n'wina. Hi yena Mufambisi ari yexe loyi ndzi tivaka hinkwaswo ha yena, lahawani emisaveni kumbe ehenhla

Lahaya. Hi Yena Mufambisi wa mina loko ndzi ri ekuhloteni. Hi Yena Mufambisi wa mina loko ndzi ri etihlampfini. Hi Yena Mufambisi wa mina loko ndzi vulavula na un'wana. Hi Yena Mufambisi wa mina loko ndzi chumayela. Hi Yena Mufambisi wa mina loko ndzi etlela.

<sup>150</sup> Kutani loko ndzi fa, U ta va a yimile lahaya enambyeni. U ta ndzi fambisa ku tsemakanya patu. “A ndzi chavi ku biha ni kun’we, hikuva U na mina. Nhonga ya Wena ni xongotelo ya Wena, hi swona leswi swi ndzi tiyisaka niku ndzi fambisa loko ndzi tsemakanya nambu.”

A hi khongeleni.

<sup>151</sup> Tatana la nga Matilweni, ndzi nkhesa swinene hi Mufambisi, Loyi A ndzi fambisaka. Oho, minkarhi yin’wana, Tatana, a ndzi N’wi twi ku rhendzeleka hi mina, ndza chava. Ndzi N’wi lava a va ekusuhi na mina hikuva a ndzi wu tivi nkarhi lowu ndzi nga ta tsutsumela enambyeni. Ndzi N’wi lava a va ekusuhi na mina. U nga ndzi tshiki, Hosi. Ndzi ngaka ndzi nga swikoti ku vulavula, ndzi ngaka ndzi nga chumayeri, ndzi ngaka ndzi nga hloti enhoveni, ndzi ngaka ndzi nga rhiyi tinhlampfi eribuweni, ndzi ngaka ndzi nga chayeli movha wa mina, ku hava lexi ndzi nga xi endlaka loko Wena u ngari kona. Hi Wena Mufambisi wa mina. Ndzi tsake njhani ku vula leswi eka nhlengeletano leyi madyambu lawa, leswi Wena u nga ndzi fambisia siswona eka swilo leswi hinkwaswo, leswi U ndzi tiseleke swona!

<sup>152</sup> A ndzi ri eku ehleketeni siku rin’wana; ku nga ri ku tlula malembe mantsongo lawa ya hundzeke, ku yima lahawani exitarateni, hikokwalaho ka ndyangu wa mina lowu wu hoxeke, ku ri hava ni loyi a nga vulavulaka na mina. A ndzi ri na xivundza eka vunakulobye. A ku ri hava ni munhu loyi a lava ku endla swin’wana ni swin’wana na mina. Va teri, “Papa wa yena i xilovekelo.” Kutani, Hosi, a ndzi vonanga na un’we ku ta vulavula na mina. Kutani ndzi rhandza vanhu. Kambe siku rin’wana loko ndzi ta va ndzi khomelerile Layini ya leyo! Sweswi ndza ehleketa, Hosi, ndzi fanele ndzi nga rhetemuki kutani ndzi huma ndzi ya emananga ku ya wisa nyana. Xana ku endleke yini? Ku ri hava vumunhu, ku ri hava dyondzo; ndzi hava nchumu. Kambe a ku ri Wena, Hosi. Wena, Hosi. U ndzi pfumelerile leswaku ndzi nga fikeleli nchumu, u ndzi pfumelerile leswaku ndzi phasa hlampfi leyikulu, hikuva U switivile leswaku a ndzi lava ku endla swona. U ndzi nyikile vatatana ni va manana. U ndzi nyikile va buti ni va sesi. U ndzi nyikile rihanyo. U ndzi nyikile nsati. U ndzi nyikile ndyangu. Hi Wena Mufambisi wa mina, Hosi. Ndzi pfumeleli ndzi khomelela voko ra Wena, u nga ndzi pfumeleli ndzi ri tshika. Loko voko rin’wana ri karhala, ntsena ndzi ta ma cinca mavoko. Ndzi pfuni, Hosi.

<sup>153</sup> Kutani un'wana ni un'wana loyi a nga lahawani a nga ha khomelela eka layini ya leyo ya Vutomi, Hosi, Moya wo Kwetsima laha ku nga Vutomi bya hina, Vutomi byi nyika swilaveko. Kutani Wu nga ha hi fambisa hinkwerhu ka hina ku ya eka Tiko lero ra ntsako lahaya ekusuhi, laha mintirho ya vutomi yi nga kwalahaya ni ntirho wa hina emisaveni wu tirhiwile, kutani lahaya aku nga havi ni ndhawu ya swidyuhati, a kuna vanhu lava va chavisaka, aka hari ni vusiku lebyi byi vilerisaka, a ka hari niku rila ni ku khongela, aka hari ni ku vitana lava va tweke rito, kambe hi tava hi ri lavantsongo kwalahaya hi laha ku nga heriki, vuvabyi ni maxangu a swi nge hevi kona. A ku nge hevi na vudyoho, kutani hi ta hanya eka ku lulama ka Xikwembu kuya hi tinguva hinkwato leti ti nga ta ta, kuya hi nkala Makumu. Hi nyike swona, Tatana.

<sup>154</sup> Kutani sweswi, Tatana, loko kuri ni loyi a nga khomelelangiki layini leyi ya Vutomi, va nga ha Yi kuma sweswi. Kutani Moya wo Kwetsima Lowu wu fambiseke... Kutani ndzi nga ha vula kusuka embilwini ya mina, ni voko ra mina eRitweni ra Wena, minkarhi hinkwayo U lulamile. Ndza hoxa minkarhi yo tala. Kambe Yena u lulamile. U nge Yena a tshama na mina, Hosi. Ndzi pfumeleleni ndzi tshama na Yena. Kutani ni va'wana lava va nga lahawani, lava va nga N'wi tiviki emadyambyini lawa, leswaku va nga ha khomelela eka voko ra Yena leri nga ncinceku, leswaku va nga ha fambisiwa.

<sup>155</sup> Kutani siku rin'wana hi ta ta enambyeni. Kutava ku ri ni nkungwa mixo wa lowo, ngopfu. Lwandle ra khale ri tava riri eku dumadumeni, Yordan wa khale, va yimisi va susumeta, rifu ri choka vutomi byi huma eka hina. Kambe, Xikwembu, a—a ndzi nge chavi. Ndzi swi tshamisisile nkarhi wo leha lowu nga hundza. Ntsena ndzi lava ku susa gondolo, tani hi nghwazi, ndzi hundzuluka, ndzi languta endzhaku ehansi eka xindledyana ku vona laha Layini ya leyo yi ndzi yisaka kona. Ndzi vona mananga hinkwawo laha ndzi nga ta hi kona, ni lapi rin'wana ni rin'wana ra xiluva xa nhova, ni nhulu yin'wana ni yin'wana ya maribye lawa ndzi nga twa ku fehla eka wona, kambe ndzi khomelela Ntambhu. Tani hi laha U nge teri, muphati u swi endlile, "Van'wana ematini, kutani van'wana endhambini, van'wana eka miringo yo enta, kambe hinkwaswo i kuya hi Ngati." Kutani ndzi lava ku teka Leswi, Tlharhi ra khale lahawani, leri ri ndzi hlayiseke endleleni, kutani ndzi Ri tlherisela enkotlotweni wa Rona, ndzi huwelela, "Tatana, rhumela byatso u byi tsemakanyisa mixo lowu, ndzi ta ekaya." U tava lahaya, Hosi. U swi tshembhisile. U ngaka u nga hluleki.

<sup>156</sup> Kutani Katekisa un'wana ni un'wana loyi a nga lahawani sweswi. Kutani loko va nga switivi ku khomelela Ntambhu ley, kutani va nga Yi khumbhi, mavoko lama kwetsimaka ma nga ha yimisiwa sweswi, mavoko lama ma swi lavaka, mavoko

lama ya swi tsakelaka, kutani ya khumbha layini ya Vutomi leyi yi nga tava fambisa kuya eku tsakeleni ka timbilu ta vona, kurhula loku ku hetisekeke ni nkhorwiso, ku wisa eka Kreste.

<sup>157</sup> Ni tinhloko ta hina leti ti korhameke, xana kwalaho ku nga hava ku ri ni mavoko lawa ya yimisiweke ma ku, "Ndzi pfumeleri. Khoma voko ra mina"? Oho, Xikwembu axi mi katekisi.

Loko ndlela yikula na xinyami, Hosi yo saseka, yima ekusuhi,  
 Loko vutomi bya mina byi kumeka byi famble;  
 Enambyeni ndzi ta yima, fambisa minkondzo ya mina, khoma voko ra mina,  
 Khoma voko ra mina, Hosi yo saseka, ndzi fambise ku ya emahlweni.

<sup>158</sup> Ku nga hava kuri ni van'wana lava va nga yimisa mavoko ya vona, vaku, "Hosi, ndzi lava ku twa ku khumbha ka layini ya Vutomi madyambu lawa. Ndzi lava kutwa Kreste loko a ndzi rivalerile swidyo swa mina, kutani ndzi lava ku va xivumbiwa lexi ntshwa kusuka eka awara leyi kuya emahlweni"? Xikwembu a xi ku katekisi. Ku nga ha va kuri ni un'wana kwalaho loyi a nge, "U nge ndzi Ku khumbha, Hosi. U nge ndzi ti tshika"? Xikwembu a xi ku katekisi, sesi. "Ndzi pfumeleri ndzi ti tshika, kutani ndzi swi kuma, Hosi, eka Wena." Xikwembu a xi ku katekisi. Na wena Xikwembu a xi ku katekisi. Sweswo hi swona. "Ndzi pfumeleri ndzi ti tshika, Hosi. Ndzi pfumeleri ndzi rivala." Xikwembu a xi ku katekisi, buti. "U nge ndzi..." Xikwembu a xi ku katekisi, sesi. "Ndzi pfumeleri ndzi tshika hinkwabyo vutivi bya mina." Xikwembu a xi ku katekisi, sesi. U nga tshembheli eka swikimi leswi endliweke hi munhu. Landzelela Mufambisi, U ta mi fambisa eMintiyisweni hinkwayo. "Ndzi fambisi, Hosi Yesu, ndzi fambisi." Xikwembu a xi mikatekisi endzhaku kwalaho. Oho, kuna mavoko yo tala lawa ya nga yima, malavaka ku ponisiwa. Sweswi loko haha . . .

<sup>159</sup> Altari lahwani, u ngaka u nga vitani altari, hikuva vanhu va tshamile eka yona. Kambe U kwalahaya. Maswitiva vukahle ni vunene, loko u yimisile voko, swin'wana leswi nga humelela embilwini ya n'wina. Yesu u teri, "Loyi a twaka Marito ya Mina kutani a pfumela eka Yena loyi a Ndzi rhumeke, u na Vutomi lebyi nga heriki." U vula tano? Swingaleswi kuna xidziva lahwani xi nga tala hi mati. Kutava ni nkarhi wo tala wa nkhuvulo. A hi khongeleni.

<sup>160</sup> Tatana wa hina langa eMatilweni, Hungu leri tsongo ro tshoveleleka emadyambyini lawa ri humaka hi rito lerikulu, Moya wo Kwetsima wu nga hava wu yile kun'wana. Wu yile laha Wu faneleke, kutani kuna vo tala, Hosi, emadyambyini

lawa, van'wana va khume ntlhanu kumbe makume mbirhi va yimisile mavoko ya vona, leswaku va lava Mufambisi. Va swi lemukile sweswo leswaku va ti mphutisa vona hi vox. Va ringeta ku vula leswaku "Ndzi kahle," kambe hi ndlela yale hansi yo enta va switiva leswaku a va tano. Kutani va lava Ku ku twa, Hosi. Valava Mufambisi. Valava ku sayina. A wu hundzisanga rifuwo leri hundziseke. Valava ku sayina rendzo leri. A va switivi leswaku va nga fika njhani lahaya. Ku hava loyi a switivaka leswaku a nga va tekisa ku yini lahaya; hi Wena u ri Wexe. Vata eka Mufambisi loyi a nyikeke hi Xikwembu, Moya wo Kwetsima. Va yimisile mavoko ya vona.

<sup>161</sup> O Moya wo Kwetsima ni Mufambisi, ehenhla ka vona. Rivalela xidyocho xin'wana ni xin'wana. Rivalela vubihi bya vona. Va yisi eka Miri wa Kreste madyambu lawa, laha va nga ta twa ndzilo wa Xikwembu wu khuluka eka Layini ya leyo leyi yi nga va fumbisaka kuya eYordan, ni ku tsemakanya Yordan kuya eTikweni ra xitshembhiso. Lelewaku va nga ha landzelela va va endzhaku ka Rito. Rito ri teri, "Hundzukani, mikhuvuriwa hi Vito ra Yesu Kreste." Lelewaku va nga swi ringeti hi ndlela yin'wana. Lelewaku va nga ha landzelela va va endzhaku ka Rito, hikuva hi Un'wana Loyi a fumbisaka. Wa lawa i—wa lawa i magoza yo tlulela amahlweni ku khoma Mufambisi. Hi nyike swona, Hosi. Lelewaku va nga hava va Wena. Va le mavokweni ya Wena sweswi, tani hi titrofi, ku hava munhu loyi a nga va humesaka. Ndzi pfumela lelewaku U tava teka, tani hi vanhu lava va ponisiweke. Ndza pfumela va yimisile mavoko ya vona, a va nga ta swi endla sweswo hi xi vona handle kaloko Swin'wana swi vulavurile na vona. Kwalaho hi Wena, Moya wo Kwetsima ni Mufambisi.

<sup>162</sup> Va vona awara loko yi pfala, nkungwa wu ta ehenhleni ka misava, tidyondzo letikulu to hambuka ni—ni swin'wana swile ku hlanganeni kun'we, tikereke ti endla nhlengeletano, ti va kun'we. Kutani, O Xikwembu, leswi va ringetaka ku swi vula, "Hinkwaswo leswi swi yelanaka swi ta fanela ku tshama kwalahawani nikuya eAlaska." Ni hinkwaswo swilo leswi va nga eku swi boheni, a hi swintshwa eka hina, Mufambisi wa kahle u kombile sweswo eka ndlela ya Rito. Ntsena hi le ku tsemekanyeni eka xiphemu xexo xa Rona.

<sup>163</sup> Tatana, Xikwembu, U vulavurile na vona emadyambyini lawa, kutani ndzi va nyikela eka Wena sweswi tani hi titrofi ta Rito. Hi Vito ra Yesu.

<sup>164</sup> Sweswi, leswi tshameke lahwani edeskeni, Tatana, i swidukwana, i swa vanhu lava va vabyaka, n'wana un'wana, kumbexani, mhani un'wana, sesi un'wana, buti un'wana; hambi ti hairpins ti nga tlhomewa eka vona. Kutani sweswi ndza va khoma ndzi va tshuneta eka mina. Sweswi, hi byeriwile eBibeleni lelewaku va tekile kusuka eka miri wa Paul

swidukwani na tifasikoti, kutani vanhu lava va vabyaka va hanyisiwile, mimoya leyi nga basangiki yi humile avanhwini. Sweswi ha swi lemuka, Hosi, leswaku Paul a ri munhu, a ri munhu ntsena. Kambe akuri ntoto wa Moya wo Kwetsima lowu awu ri eka yena lowu wu katekiseke swidukwana, ni ripfumelo leri vanhu a va ri na rona ava switwile leswaku ari muapostolo wa Wena. Sweswi Paul u tekiwile eka hina, kambe ku ngari Mufambisi, Wa ha ri lahawani. Kutani, Xikwembu, ndza khongela leswaku U ta katekisa swidukwana leswi, kutani Mufambisi a nga ha va fambisa kuya endhawini, ku hetiseka kwaloko ka ku tinyikela.

<sup>165</sup> Hi byeriwile nakambe leswaku loko Israel ra ha landzelela Mufambisi wa rona, va fikile eYordan, ehansi (kumbexana) eLwandle ro Tshwuwa. Eka layini leyi yi nga yin'we ya nfanelo va yimisiwile, kutani Mufambisi a va rhangela ehansi lahaya. Yini? Ku kombisa ku kwetsima ka Xona. Kutani loko ku tshembha hinkwako ku fambile, hiloko Xikwembu xi languta ehansi hi Langavi ra Ndzilo, hambi kuri lwandle ra ku fa ra khale ri chavile kutani ri ti yumba emathlalo, kutani ku va ni ndlela leyi endleriweke va-Israel ku famba eka yona kuya etikweni ra xitshembhiso.

<sup>166</sup> Hi ntiyiso, Hosi, Wa hari Xikwembu xin'we. Vanhu lava kumbexani i Vakreste, kumbexani vale ndleleni leyi nga fanela, kambe va tisiwile endhawini leyi ya yinhla laha vuvabyi byi nga va veka eyinhleni. Languta ehansi ka Ngati ya Yesu madyambu lawa, leswaku Javulosi a kumeka a chava, u ta tlhelela endzhaku, kutani vana va Wena va ta hi ndzela eka xitshembhiso xa rihanyu ra khale. Hi nyike swona, Tatana. Ndza va rhumela kusuka eka miri wa mina kuya eka ya vona, hi Vito ra Yesu Kreste.

<sup>167</sup> Ndzi tlakusela nhlengelatano leyi emahlweni ka Wena, hi ri pfumelo ndza va teka hi mpfumawulo ndzi va yisa e altarini ya Xikwembu ehenhla lahaya eMatilweni. Eka ku tsakela kun'wana ni kun'wana ka muvabyi, hambi vari ni kona ku hoxeka kwalaho, hambi ku hoxeka kwaloko loku ku nga eka vutomi bya vona hinkwabyo, Xikwembu, va basise, va endli vava va Wena. Va hanyise, Tatana. Leswaku Matimba lawa ya pfuxeke Yesu esirheni, ma ha hanyisile mi miri leyi yi bolaka yi endliwa swivumbiwa leswi ntshwa eka Kreste. Va nyike rihanyu ra kahle niku va tiyisa leswaku va ta Ku tirhela.

<sup>168</sup> Ndzi tsundzuki, O Hosi. Ndzi mutirheli wa Wena. Ndzi pfuni, ku yima eka xilaveko xa swikhongelo. Kutani ndza khongela leswaku Moya wo Kwetsima wu ta hi fambisa ni ku hi tirhisa, niku hi rhangela ku fikela siku ro vona Yesu Kreste hi langutananile eka ku Vuya ka Yena loku ku kwetsimaka loko hi ta hlangana na Yena emoyeni loko hi Tlhandluka. Hi Vito ra Kreste ha swi kombela. Amen.

Ndza N'wi rhandza, ndza . . . (Na n'wina?)  
 Hikuva U sungurile a ndzi rhandza  
 Kutani a xava ku ponisiwa ka mina  
 Ensinyeni wa Xihambano.

<sup>169</sup> Sweswi, loko mi nga rhandzi un'wana loyi mi n'wi vonaka, xana mi ta N'wi rhandza njhani Loyi mi nga n'wi voneki? Sweswi loko haha yimbelela *Ndza N'wi Rhandza*, a hi tlhavuleni loyi a nga ekusuhi na hina hi ku tlhavula loku ku humaka embilwini loku ku nga ka rirhandzu.

Ndza N'wi rhandza, . . .

[Makwerhu Branham a tlhavulana ni lava va nga ekusuhi na yena—Muhleri.] Xikwembu a xi mi katekisi, Makwerhu Neville. [Nhlenegetano yi ya emahlweni ni ku yimbelela.]

Ensinyeni wa Xihambano.

Sweswi a hi Xi yimiseleni mavoko.

Ndza N'wi randza, Ndza N'wi rhandza  
 Hikuva U sungurile a ndzi rhandza  
 Kutani a xava ku ponisiwa ka mina  
 Ensinyeni wa Xihambano.

<sup>170</sup> Tani hi risimu ra kahle, xana u nga ha tsakela ku twa rin'wana? Ndza swi twisia leswaku hi na musumi wa risimu wa muevhangeli lahwani kusuka eIndianapolis. Ndza pfumela u ri yimbelerile eCadle Tabernakele. A hi swona sweswo? Swikahle hinkwaswo, nkulukumba. Yaleylo i ndhawu ya yena eCadle Tabernakele. I va ngani lava tsundzukaka E. Howard Cadle? Oho, mina! Xikwembu xi wisisile moya wa yena wo saseka. Xinyenyana lexi xi hlekaka xa le moyeni, wansati loyi ndzi rhandzaka ku n'wi twa a ri yimbelela, ku antswa ku tlula un'wana ni un'wana ndzi nga tshama ndzi n'wi twa a ri yimbelela evuton'wini bya mina, a ku ri Manana Cadle, a yimbelela, "Xana u siyile kamara ra wena mixo lowu, xana wa ehleketa hi ku khongela hi Vito ra Kreste Muponisi wa hina, tani hi Xitlhangu namuntha?"

<sup>171</sup> Ku tsemakanya lahaya exitarateni mixo wun'wana, emukhukhwini wuntsongo wa tikamara timbirhi, ndzi pfukile, a ndzi fanele ndzi nghena ndzi ya tshivela ndzilo. Xitofu a xi nga pfurhi. Kutani ndzi ringetile ku xi sungula, kutani moya wu nghena ehansi, wu pfurhetela nchumu wu ta exikandzeni xa mina. Kutani a ku titimela, nakona a ndzi lava ku oma. Ni gwitsi hinkwako ehansi, kutani na mina a ndzi nga ambalanga nchumu emikondzweni; ndzi ri karhi ndzi ringeta ku kuma xithinani lexi xa khale ehansi, ni xiphayiphani lexintsongo xa ovhene eka xona. Kutani ntsena ndzi . . . Mina na Meda ntsena a hi tekanile swintsongo. Kutani a ndzi ri eku ringeten, rihunyi ra khale a ri tsakama kutani a ri nga ta pfurha, kutani a ndzi tshamile kwalahaya, ndzi ehleketa, "Oho, mina! Ndzi

ta ringeta nakambe.” A ndzi fanele ndzi ya eku tirheni, ni xitofu xexo xa khale lexi nga nyawuliki tani hi xexo. Kutani ndzi yile emahlweni ndzi ya pfulela radio, hiloko yi sungula ku yimbelela, “Xana u siyile kamara ra wena mixo lowu, xana u ehleketa ku khongela,” ntsena ndzilo wela ehansi eka floro, “hi Vito ra Kreste Muponisi wa hina, tani hi Xitlhangu namuntha?” Oho, ndzi swi rhandza njhani ku twa wansati yaloye!

<sup>172</sup> Loko ndzi tsemakanya nambu nkarhi wun’wana, ndza pfumela ndzi ta twa Manana Cadle a tshamile lahaya. Maswitiva, minkarhi hinkwayo ndzi endla leswaku hi hlangana. Eka tlhelo leri ra nambu, kuna Murhi lowu wu tshamaka wu ri rihlaza, maswitiva, Murhi wa Vutomi; kutani eka tlhelo leri n’wana ra nambu, kuna khwayere ya Tintsumi yi yimbelelaka nhlikani ni vusiku, hikuva a kuna vusiku lahaya, ku yimbelela nhlikanhi hinkwawo, wa vona. Ndzi ta ti kumela ndhawu ndzi tshama ntsena ndzi ti yingiselela rona. Ndza pfumela ndzi ta twa Manana Cadle lahaya loko a yimbelela.

<sup>173</sup> Xikwembu a xi katekisi makwerhu wa hina. Ndzi rivarile vito ra yena. Kambe i mani, makwerhu? [Makwerhu a ku, “Ned Woolman.”—Muhleri.] Makwerhu Ned Woolman u ta yimbelela sweswi. Makwerhu Woolman, i ntsako kuva na wena emadyambyini lawa. [Makwerhu Woolman a yimbelela *Kereke Ya Mbilu Ya Mina.*]



*MUFAMBISI* TSO62-1014E  
(A Guide)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni madyambu, Nhlangula 14, 1962, eBranham Tabernacle, eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2013 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
P.O. Box 178, SOMERSET WEST, 7129 CAPE PROVINCE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)